

雜病源流犀燭

一面部身形之病亦由臟腑六淫然症既現于面部身形則必立此二門從部位也。

一奇經八脉所以總持十二經不明乎此并不知十二經之綱維十二經之出入如肝藏血其人本血病治其肝而勿愈必求其原于衝衝爲血海也肺主氣其人本氣病治其肺而勿愈必求其原于腎督爲氣海也其任帶蹻維六經可以類推。

一古人治病溫涼補瀉各有偏主是書所引諸方惟所有當于病當溫則溫當涼則涼當補則補當瀉則瀉因病用方不敢稍存成見。

一導引運功本養生家修煉要訣但欲長生必先卻病其所導所運皆屬卻病之法今各附于篇末病者遵而行之是可佐參藥力所不逮。

一瘡瘍之病。無不傳染。六淫而發于臟腑。雖症之未成。脈必先現。若不審此。有診其脈而不知所由。且誤認爲內症。而錯治者。古名家內外必兼及。良有以也。

一跌撲閃挫。古謂之傷科。雖傷于外。必致侵及于內。有害于臟腑經絡。今列爲篇。庶不至臨時束手。并詳金瘡杖傷諸瘡諸傷等以類及也。

沈金鰲誌

沈氏尊生書目錄

雜病源流犀燭

卷一 臟腑門

肺 肺病源流 肺萎 肺痿 息賁 咳嗽 哮喘

卷二 臟腑門

肺 諸氣 疹子

卷三 臟腑門

大腸 大腸病源流 大腸癰 臟毒 腸鳴 脫肛

胃 胃病源流 胃癰 胃痛 霍亂 諸瘕

卷四 臟腑門

脾 脾病源流 痞氣 嘔吐噎 噎塞反胃 關格

卷五 臟腑門

脾 腫脹 痞滿

卷六 臟腑門

心 心病源流 伏梁 心痛 怔忡 卑慄 驚悸
悲恐 喜 怒 憂 思 煩燥 健忘 不寐
多寐 夢

卷七 臟腑門

心 癲狂 諸汗 涕淚涎唾

小腸 小腸病源流 小腸氣 小腸癰

膀胱 膀胱病源流 膀胱氣 轉胞症 小便閉癰
小便黃赤 遺溺 交腸症 飲後卽便

卷八 臟腑門

腎 腎病源流 奔豚 腎癰 腎俞發 虛損癆瘵
五勞六極七傷 煎厥症 解休症 食傷症 二陽病

卷九 臟腑門

腎 遺洩 五淋 二濁 尿血 白淫 諸厥 諸癰
大便秘結 脾約症

卷十 臟腑門

心包絡 心包病源流

三焦 三焦病源流

膽 膽病源流

肝 肝病源流 肥氣 肱脇肋痛 腋臭漏腋

卷十一 奇經八脉門

衝脉 衝病源流

任脉 任病源流 七疝

督脉 督病源流

帶脉 帶病源流

二維脉 陽維陰維病源流

二蹻脉 陽蹻陰蹻病源流

卷十二 六淫門

風 風病源流 附毒風論 感冒 中風

卷十三 六淫門

風 諸痺 白虎歷節風 麻木 破傷風 痙瘓

卷十四 六淫門

寒 寒病源流 惡寒 發熱 痼冷 寒厥暴亡
積聚癰瘕 疰瘡痞 息積病

卷十五 六淫門

暑 暑病源流 伏暑 暑風 暑瀉 疰夏 諸瘧

卷十六 六淫門

溼 溼病源流 痰飲 諸疸 黃胖

卷十七 六淫門

燥 燥病源流 三消 消瘴

火火病源流 諸血 畜血症 脫血症
受氣嗜雜吞酸惡心 呃逆

卷十八 內傷外感門

內傷諸贊 色慾傷 內傷外感病源流 脫營失精 傷食 不能食

卷十九 內傷外感門

外感 春溫 夏熱 濕溫 陽毒陰毒

卷二十 內傷外感門

外感 瘟疫 邪祟

卷二十一 內傷外感門

內傷外感 痧脹

卷二十二 面部門

面部 面部病源流 面癆 目 眉稜骨

卷二十三 面部門

卷二十九 身形門

身形

腿股膝臑踝足
附癰疽兼症方論

腿股膝臑踝足瘡瘍


卷三十

身形門

身形

跌撲閃挫

金瘡杖傷夾傷



沈氏尊生書卷一

雜病源流犀燭 臟腑門

。肺病源流 肺脹肺萎肺癰息賁

沈金鰲撰

手太陰肺脈起于中焦下絡大腸還循胃口上膈到肺從肺系橫出脇下下循臑內行少陰心主之前下肘中循臂內骨上廉入寸口上魚際出大指之端少商穴止其支者從腕後直出次指內廉之端次注于手陽明大腸經每日常寅時周身氣血俱蒼萃而注于肺 手太陰肺經多氣而少血

肺主氣上連喉系下通心肝之竅司呼吸出入居上以鎮諸臟而壓精粕以行於大腸出納清氣以出濁物所受者太陽之陰以固陽氣所司者太陰之陽以行陰物又與足太陰脾同行氣以給眾臟故亦名太陰其屬則位西方金其配則為秋令秋則氣化清肅萬物賴以成遂金則為水之母其氣恆下行靜時下澄於腎宮與水相通經所謂母隱子胎是也但腎為真水天一所生肺既為其

母故居華蓋之頂。猶據天河之上源。以注崑崙而入龍門。以滙於海也。其輸精臟腑。猶在天之雨露。廣沛羣生也。然嘗病燥與寒熱。以輸精布眾。或太過。未及滋化。或邪乘不得行。令故反病燥。宜滋反病寒熱也。寒宜紫蘇子。熱宜瀉肺湯。古人嬌臟之名所由來矣。夫肺主皮毛。而皮毛則純屬太陽之部。太陽之傷風傷寒。汗出中風。與形寒飲冷。皆能傷肺。故其現症。如鼻塞。聲重。喘咳。氣逆。肩背痛。噎噴。胸滿。煩心。亦與太陽同。五志之火上炎。陰虛內燥。肝火挾心而刑金。亦能傷肺。故其現症。如肺萎。肺癰。痿躄。吐血。聲嘶。息有音。歔。呬。掌熱。喘不休。口血出。皮毛焦。皆由火燥焦卷之故。若虛。則有少氣。不能報息。耳聾。啞乾。諸症。而此諸症。或由外傷。治與足太陽所感病同法。或邪盛鬱塞。必於足太陽瀉之。若傷於內者。正氣衰。金被殘賊。必於足少陰養之。使子能助母。而金氣不至耗洩於足太陰。培之。

使母能生子而金氣得以涵育。昔人云補水培土是養金善法。洵有然也。抑猶有進者。金性下沉。隱於子胎。腎家水火兩病。肺俱能受其害。故有時腎水上泛。爲痰。肺受之。則喘壅而嗽。有時腎火上凌其母。肺受之。則喘息而鳴。皆腎氣上逆而爲病也。要不外足太陽足太陰足少陰三經。從而治之。

脉法 脉經曰。肺傷者。其脉細緊浮數。其人勞倦欬唾血。

肺病症 經曰。風寒入舍於肺。名曰肺痺。發欬上氣。又曰。大骨枯大肉陷。胸中氣滿。喘息不便。其氣動形。期六月死。眞臟脉見。乃與之註曰。肺之臟也。難經曰。外症面白善噫。悲愁欲哭。內症右有動氣。按之牢若痛。其病喘咳洒淅而寒熱也。靈樞曰。肺氣虛。則鼻息不利。少氣寔則喘咳。胸膈伸息。肺病間甚。經曰。肺病者。下晡慧。日中甚。夜半靜。

肺病治法 經曰肺苦氣上逆急食苦以泄之。註曰此肺氣有餘也。肺欲收急食酸以收之用酸補之辛瀉之。又曰肺病禁寒飲食寒衣。

肺絕候 經曰手太陰氣絕則皮毛焦。太陰者行氣溫于皮毛者也。故氣不榮則皮毛焦。皮毛焦則津液去。皮節傷。皮節傷則爪枯毛折。毛折者毛先死。丙日篤。丁日死。又曰肺絕三日死。何以知之。口張但氣出而不返。一云口鼻虛張。短氣。仲景曰汗出髮潤喘不休者此爲肺絕。

肺氣滯瀦保養法 保生秘要曰凡人氣旺則血榮而潤澤氣絕則血枯而滅形。故氣虛弱滯瀦而成病。如瀦于肺則肺氣不清液凝滯而爲痰。諸痰積鬱皆屬肺。上焦之疾或傳于大腸。秋月金旺宜常咽吸以和其氣。慎勿用諸肺則不厭其魄。時秋初

夏末熱氣酷甚宜少貪風涼

一切行立坐臥飲食衣服皆慎之

免傷背之腧穴

中風之症蓋感此也肅殺之大殺中有生秋分之日戒傷生命大抵時至萬物收斂人心更要持守勿爲馳逞發揚以散其氣肺脹肺家氣分病也仲景曰欬而上氣煩燥者爲肺脹欲作風水發汗自愈又曰欬而上氣此爲肺脹其人喘目如脫狀脉浮大者越婢加半夏湯主之又曰肺脹欬而上氣煩躁而喘脉浮者心下有水氣小青龍湯加石膏主之丹溪曰肺脹而嗽或左或右不得眠此痰挾瘀血碍氣而病宜養血以流動乎氣降火疏肝以清痰四物湯加桃仁訶子青皮竹瀝之類據二家說可知肺脹本爲肺經氣分之病故宜以收斂爲主

宜訶子青黛丸清化丸

卽挾痰挾血者亦不

離乎氣不得專議血專議痰也

肺萎久嗽氣虛而熱在上焦病也其症之發必寒熱往來自汗氣

肺

肺脹

肺萎

卷一

三

急煩悶多唾或帶紅線膿血宜急治之。宜舉肺湯元參清肺飲切忌升散辛

燥溫熱仲景云或有患此症吐涎沫而欬者。宜生薑甘草湯有吐涎沫而

不欬者其人不渴必遺尿小便數所以然者以上虛不能制下故

也此為肺中冷必眩多吐涎必溫之。宜甘草乾姜湯又有火盛者。宜人參平肺散

有喘急而面浮者。宜葶藶湯大約此症總以養肺養氣養血清金降火

為主若肺萎將變為癰又必兼理膿毒。宜紫菀散

脈法 脈經曰左寸脈數虛溫肺萎也

肺萎之因 仲景曰熱在上焦者因欬為肺萎此從何得之蓋

以或從汗出或從嘔吐或從消渴小便利數或從便難又被快

藥下利重亡津液故得之又曰寸口脈數其人渴口中反有濁

唾涎沫者此為肺萎之病 脈經曰肺萎咳唾咽燥欲飲水者

自愈自張口者短氣也

咳發肺癰。脉必浮而長。皆由肺氣虛痰熱壅結也。宜調息丸當以
降氣清熱開痰散結為主。

治肺病諸藥要品及方五

肺寔宜降氣清潤

蘇子 桑皮 天冬 貝母 枇杷葉
杏仁 前胡 白前 知母 瓜蒌根

竹茹 石膏 黃芩 麥冬 車前子

竹葉 桑葉 牛蒡子 葶藶

肺虛宜順氣清熱

蘇子 貝母 百部 沙參 枇杷葉
百合 桑皮 杏仁 天冬 五味子

麥冬 梨肉 無熱可加人參 柚子

滋燥飲

肺燥 天冬 麥冬 生地 花粉 白芍
秦艽 加蜜童便服

紫蘇飲子

肺寒 蘇葉 桑皮 青皮 杏仁 麻黃
陳皮 甘草 五味子 各一錢 人參 半夏
各六分 姜三片

瀉肺湯

肺熱 山梔 黃芩 薄荷 枳殼 杏仁
連翹 桑皮 桔梗 甘草 酒大黃 各七分

瀉白散

肺寔 地骨皮 桑皮 各二錢 甘草一錢
或加知母 貝母 桔梗 山梔 生地 麥冬 亦可

補肺散

肺虛 阿膠二錢 牛蒡 炒糯米各一錢
馬兜鈴七分 杏仁 麩炒九個 甘草五分

治肺脹方五

越婢加夏湯

總治 麻黃 石膏 甘草 半夏 姜 棗

小青龍湯

水氣 桂枝 麻黃 乾姜 酒白芍 炙甘
草 細辛 半夏 五味子

四物湯

扶瘀 川芎 當歸 白芍 生地

訶子青黛丸

葉敏 訶子 青黛 杏仁 海粉 便香附
瓜蒌仁 半夏 麩 姜汁蜜丸含化

清化丸

總治 只母一兩 杏仁五錢 青黛二錢
姜汁砂糖丸含化

治肺萎方七

生姜甘草湯

吐咳 生薑五錢 炙甘草三錢 人參二錢
棗五枚

甘草乾姜湯

吐而不咳 炙甘草四錢 炮乾姜二錢

人參平肺散

火盛 桑皮二錢 知母 人參 地骨皮
炙甘草各一錢 天冬 赤苓各八分 陳皮
青皮各五分 五味子二十粒 姜三片

華棗散

喘急面浮 炒草薢為末 大棗十枚煎湯去

舉肺湯

總治 桔梗 甘草 天冬 竹茹 阿膠 沙參 貝母 百合

元參清肺飲

又 元參 柴胡 桔梗 陳皮 地骨皮 茯苓 麥冬 杏仁 人參 甘草 枳椇 加童便一小杯沖服

紫苑散

肺萎成瘡 紫苑 人參 知母 五味子 桔梗 貝母 甘草 茯苓 阿膠 姜

治肺癰方六

清金飲

總治 苡仁 橘葉 黃芩 花粉 貝母 桑皮 桔梗 牛蒡 白茯苓 枳椇 甘草

麥冬平肺飲

初起 麥冬 陳皮 桔梗 赤芍 枳椇 甘草 吐膿 元參 柴胡 陳皮 桔梗 茯苓

元參清肺飲

麥冬 苡仁 人參 甘草 枳椇 地骨皮 加童便一小杯沖服

寧肺桔梗湯

不臥 桔梗 貝母 當歸 黃芪 枳殼 桑皮 防已 瓜蒌仁 甘草 節 五味子 百合 苡仁 草薢 杏仁 地骨皮 知母 咳甚倍百合 身熱加柴胡 便秘加大黃

掛臙散

已成 人參 黃芪 白芷 五味子 等分

金鯉湯

總治 鯉魚重四兩者去腸勿見水入貝母末二錢縫好童便半碗浸之重湯煮至晴出去鱗骨將肉仍浸童便內頓熟一日分三次便肉俱食之其效至速

治息賁方二

調息丸

總治 陳皮 薤仁 射干 紫菀 桑皮 桔梗 石 鹹 海浮石 旋覆花 水 泛 丸

息賁丸

又 川連一兩三錢 厚朴八錢 乾姜 花 苓 紫菀 川 蘇 各錢半 人參二錢 桂枝 桔梗 三棱 天冬 陳皮 川烏 薤仁 各一錢 青皮五分 巴霜四分 茯苓另研 餘為末篩出和茯苓末研勻再入巴霜研勻蜜丸梧子大初服二丸每日加一丸漸加至大便微澀再從兩丸加服積去大半便勿服

[illegible]

咳嗽哮喘源流

沈金鰲撰

咳嗽肺病也。然雖爲肺之主病。五臟六腑皆有之。蓋肺不傷不咳。脾不傷不久咳。腎不傷火不熾。咳不甚。其大較也。而咳與嗽異。先不可不辨。有聲無痰曰咳。非無痰。痰不易出也。病在肺。肺主聲。故聲先而痰後。有痰無聲曰嗽。非無聲。痰隨嗽出。聲不甚响也。病在脾。脾藏痰。故痰出而嗽止。二者總因心火困土。尅金所致。因咳有痰。重在咳。肺爲主。急宜順氣。肺惡溫燥。梔紅貝母桔梗桑皮知母。麥冬紫菀爲要藥。因痰致嗽。重在痰。脾爲主。速宜消痰。脾惡寒潤。二朮南星半夏爲要藥。清火兼之。最是要法。而致咳之由。則有兩大頭腦。一曰內傷。七情饑飽是也。一曰外感。風寒暑濕是也。而風寒暑濕所感。竟有不咳者。感太重。徑傷臟腑。不留於肺。故不咳。不然。先中皮毛。以次傳及五臟。故亦不復咳。七情饑飽所傷。竟有不

嗽者病尚淺止在本肺不上干於肺故不咳否則肺氣受傷以次

病及上焦故一時不遠咳所以傷寒以有嗽為輕七情之咳必久

而後見也此外感自表入者病在陽若用寒涼收斂必連綿不解變生他

症故宜辛溫寧嗽湯或二陳湯以求其屬散其邪肺清而嗽自愈

自內生者傷其陰此內傷陰虛陽浮水涸金燥喉痒而咳最忌辛香助陽

故宜甘潤宜保和湯滋以滋養肺水旺氣暢而咳自愈此外感然外治雖

宜散若病氣形氣俱虛又當補益以溫解如參蘇飲之用參桂枝

湯之用甘芍寔脾也脾寔則肺金得養前邪易出後邪難入矣內

治雖宜潤此內傷而陽虛者若命門火衰氣不化水不得楨執滋陰之說而參羌附

桂不妨酌用也然則內傷外感之殊不可先悉其源流乎而其發

於五臟移於六腑者可更條析言之經曰肺咳之狀喘息有音甚

則唾血宜以肺經藥治之如桔梗貝咳不已大腸受之咳則遺尿

母瓜蒌桑皮薤白花柳等

引上加升麻引下加心咳之狀心痛喉中介介如梗狀甚則咽腫
 大黃主治餘糧湯
 喉痺宜以心經藥治之如黃連咳不已小腸受之咳則失氣氣與
 細辛鬱金麥冬遠志等
 咳俱失通引上加桔梗引下加木脾咳之狀右胛下痛引肩背甚或
 不可動動則咳劇宜以脾經藥治之如半
 或長虫出引上加升麻引下加烏梅九肝咳之狀左脇下痛甚則不
 可以轉轉則兩胛下滿宜以肝經藥治之如柴胡咳不已胆受之
 咳則嘔胆汁引上加川芎引下加腎咳之狀腰背相引痛舌本乾
 咽作鹹甚則咳涎宜以腎經藥治之如獨咳不已膀胱受之咳則
 遺溺引上加羌活引下加久嗽不已三焦又受之咳則腹滿不欲
 飲食引上加川芎引下加青心包絡咳心胸間隱隱作痛宜以心
 之如丹皮山此經言臟腑相因之咳所當分別而治者也其餘又
 梔肉桂等有肺脹痰挾瘀血或左或右不得眠動則喘急者宜四物湯加山
 梔紅花訶子青

皮竹瀝姜汁等。又有肺勞熱生，正如垂咳逆氣喘，謂之膏盲病。針

灸不至者，宜驅二又有脾胃先虛，不能制水，水泛為痰，水冷金寒

而咳者，宜六君子又有過服涼冷，脾胃受傷，寒水挾木勢而上侵

肺胃，前病未除，新病更甚，若進寒涼，必至危殆者，急補土母，宜八

六君子湯又有因火燥肺金而咳者，清金降火，誰不知之，苓連二

冬知柏，誤用必至更甚，急補北方，以瀉南方，宜六味丸補陰後，隨

用參芪救肺，使金土相生，方可謂識先後者，若用參芪于壯水之

先，陽火愈旺，金愈傷矣，以上皆臟腑餘症，未可忽視者也，且夫咳

之為病，有新久虛實之殊，新咳者，肺有實邪，風則散之，宜參寒則

發之，宜二陳湯加紫蘇熱則清之，宜金沸散去麻黃半夏加薄荷

枇杷葉火則瀉之，宜清火濕則除之，宜白痰則滌之，宜加味有久

病忽咳，病雖久而咳則暴，亦為新咳，必新傷風食也，風則疏之，宜

消

風寒食則消之。宜大安丸去連翹黃即愈矣。人咳者屬肺屬腎有

嗽湯。宜補中由氣虛者。宜補中益氣湯有由血虛者。宜阿膠有由血虛火盛喘咳聲嘶

者。宜芩連四物湯有氣血兩虛者。宜寧肺湯有虛勞嗽痰熱渴汗者。宜滋陰有

虛勞咳血痰喘者。宜五有虛勞嗽一二聲無痰夜則發熱過則冷

睡多夢者。宜切有火鬱於肺咳則有聲無痰者。宜枯梗湯有濕痰內鬱

痰出則咳少止少頃又咳者。宜加味而又有咳久傷脾滿面生瘡

者。宜人參蛤蚧散有久咳失音者。宜杏仁膏有久咳失氣者。宜劫有久咳

面目浮腫者。宜葶散有久咳不止諸藥不效者。宜喻化丸有久咳成

癆者。宜保和湯有久咳經年百藥不效餘無他症與勞嗽異者。宜百部

膏有痰鬱火邪在中成乾咳嗽者此症極難治先用開劑。宜逍遙

桔梗後用補陰之品。宜本事體甲丸加熟地當歸咳之為病又有四

時晝夜之異春嗽春氣上升也宜清氣。宜二陳湯凡咳遇春即發

為脾病健脾為主。宜異功散夏嗽炎火通肺也。無黃連不愈。宜桔

加石膏。秋嗽燥金用事也。宜二陳湯加桑皮天冬。秋未發嗽交夏方愈。乃寒

包熱也。還須解表。宜二陳湯加柴胡葛根。冬嗽風寒外束也。亦須發散。宜二

加麻黃杏仁。五更嗽或五更痰多或清晨痰多總皆脾虛所致。宜

君活防風。五更嗽或五更痰多或清晨痰多總皆脾虛所致。宜

加炮姜。日夜不咳但朝晨咳幾聲火空則發也。宜二陳加黃

亦嗽。惟早晨嗽更甚胃中有食積至此時火氣流入肺中也。宜

加知母或二母。上半日咳痰稠黃胃火也。宜二陳湯加竹

散五更嗽同。上半日咳痰稠黃胃火也。宜二陳湯加竹

痰黑粘滯陰虛火動也。宜六味作湯黃昏咳腎經陽衰陰弱虛火

上炎也。當補脾肺生腎水不可專用嗽藥。宜六味丸六不論大人

小兒黃昏熟睡中忽咳兩三聲食積痰也。消其痰而咳自止。宜二

如山查神。後半夜嗽風也。宜二陳湯

曲麥芽。後半夜嗽風也。宜二陳湯

即止。凡黃昏五更上半夜咳嗽屬實後半夜咳嗽屬虛此又不可不知

者總而言之咳嗽之因共十有六一曰風嗽風乘肺也其脉浮必

兼鼻塞流涕聲重口乾喉痒憎寒發熱自汗惡風煩躁語未竟而

咳

宜欬冬花散金沸草散

二曰寒嗽脾肺皆受寒邪也其脉弦微必兼面白

口甘水反侮土寡於畏也腹中大寒痰白作泡口甘涎沫者胃寒

不和必以辛甘熱去之

宜紫蘇飲子半夏溫肺湯

或有遇寒即發者乃寒包熱

也解表則熱自除

宜桔梗湯加麻黃防風杏仁陳皮紫蘇木通黃芩

大概寒傷肺而咳者

其脉緊必兼鼻塞聲重憎寒發熱無汗煩燥不渴胸緊甚至首眩

宜二陳湯加麻黃杏仁桔梗

三口熱嗽傷於暑熱而得嗽也其脉數必兼口燥

聲嘶煩熱引飲或吐涎沫甚至咯血

宜洗肺散苓半九黃連化痰丸

須知咳嗽面

赤胸腹脇常熱惟足乍有時冷其脉洪滑者必熱痰留滯於內故

嗽而胸滿也

宜小黃丸小陷胸湯

四曰濕嗽濕傷脾也其脉濡細必兼骨節

煩疼四肢沉重或有汗小便不利痰多

宜白朮湯白朮丸

五日鬱嗽即火

嗽也。其脉數必兼面赤。或肺脹喘急。睡不安。痰少。甚者乾咳而無

痰。乃腎水枯涸。邪火獨炎所致。宜清化丸清六曰勞嗽。虛勞咳。嗽

也。其脉細數。必兼盜汗出。痰多作寒熱。火升喘促。蓋緣酒色過度。

虛勞少血。津液內耗。心火上炎。遂使燥熱乘肺。唾咯膿血。上氣涎

潮。其嗽連續不已也。宜人參清肺湯訶梨七曰食積嗽。傷食生痰。

入積發咳也。其脉數硬。必兼胸滿噎酸發熱。或稠痰壅滯。喘滿皆

由胃火上炎。冲逼肺氣。久而不愈也。此非青黛瓜蘖不除。瓜蘖丸

嗽總之。凡有食積者。必面青黃白不常。面上如擗爪路。一黃一白

者。此又可望色而知也。八曰氣嗽。七氣積傷成咳也。其脉浮洪滑

數。必兼上氣喘急。痰涎凝結。或如敗絮。或如梅核。滯塞咽喉。吐不

出。咽不下。多因七情鬱結。或勞傷脾肺。甚而多吐膿血。漸成肺萎。

將作勞瘵也。然氣嗽一症。婦人多有之。宜團參飲紫蘇子九曰痰

嗽動便有痰聲痰出即嗽止也其脉浮滑必兼胸膈滿痰涎多
或寒熱交作面浮如盤緣濕痰在胃上千于肺也宜半瓜九滴其
有一種發咳時直至嘔吐飲食痰物俱盡方小安者此乃肝木尅
脾土風痰壅盛所致也宜白圓子十曰乾嗽肺中無津液也其脉細濡
必兼氣弱或促乃痰鬱火邪於肺中輕則連咳數十聲方有痰出
重則雖多咳亦無痰故爲乾咳嗽極難治始宜用苦桔梗以開之
再用補陰降火之劑不已則成勞瘵在不得志者多患此宜乾嗽
加味二母九瓊玉膏十一曰血嗽嗽而多唾痰血也其脉浮芤而數必兼喉
中有腥氣或因上焦有熱血瘀沉悶嗽聲連併氣不得透宜桑或
因打撲損傷肺氣作咳多吐黑血宜當十二曰酒嗽傷酒而成也
蓋酒大熱有毒或冷熱兼飲日久漸傷胃苑其氣結聚不流致成
濕痰作嗽宜瓜蒌青黛九瓜十三曰久嗽諸般嗽久也蓋積痰留

聚肺脫粘滯如膠。以致氣不升降。或上氣喘急。宜蜂窠丸貝母并

有至數十年不愈者。宜馬兜鈴丸十四日火嗽。火熱嗽也。其脉洪

數。必兼面赤。煩渴引飲。有聲痰少。或由肺家積熱。宜清肺飲或由傷寒

潮熱痰盛。胸脇痛。宜柴胡枳桔湯或由火鬱肺脹。氣急息重。宜海青丸蓋以肺

腎二經乃人身之化源。二經有虧。則化源絕。故痰火益盛而嗽發

不止也。宜滋陰清化膏十五日夜嗽。陰虛嗽也。多屬腎氣虧損。火炎水涸

或津液壅而為痰。故夜間屬陰分。陰氣相感。故咳聲不絕。至曉方

緩。或兼口苦。胸痞。脇痛。多吐涎沫。不進飲食。故夜咳必用知母。切

忌生姜。以其辛散。恐復傷陰也。古人多以六味丸加知柏。天冬。貝

母。橘紅治之。所以滋化源也。宜滋陰清化膏十六日天行嗽。感時

行之氣作咳也。蓋因時令不正。人多感冒。以致痰盛寒熱。或鼻塞

聲重。宜人參散而亦有四時感受風寒。作嗽不盡由一時天行之

氣者。宜參蘇飲。由是以治諸咳。庶幾用藥皆有闢。而罔弗奏功矣。

脉法。咳嗽哮喘肺萎肺癰

內經曰。喘鳴肩息者。脉實也。緩則生。急則死。

也。脉訣曰。咳嗽所因。浮風緊寒。數熱細濕。房勞瀼難。右關濡。

者。飲食傷肺。左關弦短。疲極肝衰。浮短肺傷。法當咳嗽。五臟之。

嗽。各視本部。浮緊虛寒。沉數實熱。洪滑多痰。弦濇少血。形盛脉。

細。不足以息。沉小伏匿。皆是死脉。惟有浮大而嗽者生。外症內。

脉。參攷調停。正傳曰。關上脉微爲咳。脉弦或緊爲寒。脉浮爲。

風。脉細爲濕。脉數爲熱。脉沉爲留飲。沉數爲實熱。洪滑爲多痰。

脉浮軟者生。沉小伏匿者死。又曰。喘脉滑而浮者生。濇而數者。

死。大抵宜浮遲。不宜急數。又曰。咳逆脉浮而緩者易治。弦急而。

按之不數者難治。脉急或促或微皆可治。脉代者死。右關脉弦。

者。木乘土位。難治。仲景曰。咳唾膿血。脉數虛爲肺萎。數實爲。

肺癰。脉經曰：喘脉滑而手足溫者生，脉澀而手足寒者死。數者亦死，爲其形損故也。又曰：肺癰唾血，脉緊強者死，滑者生。回春曰：喘急脉沉，肺脹停水，氣逆填胸，脉必沉取沉而實滑，身溫易愈，身冷脉浮尺澀難補。入門曰：欬逆上氣，脉散者死，散卽數也。咳逆脉數爲火刑金，故必死。

咳嗽之因。內經曰：人感于寒，微則爲咳，甚則爲泄，爲痛。滿間曰：經云秋傷于濕，冬生咳嗽者，蓋傷濕積于脾也。大抵秋氣宜清肅，若反動之，氣必上冲爲咳嗽，甚則動脾濕而爲痰，也是知脾無留濕，雖傷肺氣亦不爲疾。若有痰而寒少熱多，故咳嗽是咳嗽，非專主於肺病。以肺主皮毛而司于外，故風寒先能傷之也。經云五臟六腑皆能使人欬，非獨肺也。各以其時主之而受病焉，非其時則傳以與之也。所病不等，風寒燥濕火皆能令

人咳惟濕病痰飲入胃留之而不行上入于嗽則爲嗽。假令濕在心經謂之熱痰。濕在肝經謂之風痰。濕在肺經謂之氣痰。濕在腎經謂之寒痰。各隨症用藥。又曰無痰有聲曰咳。肺氣傷而不清也。無聲有痰曰嗽。脾濕動而爲痰也。有痰又有聲則曰咳嗽耳。

喘咳由腎家虛。直指曰腎虛不能納氣歸元故氣逆咳喘。痰盛或喘或脹。髓虛多唾足冷骨痿胸腹百骸俱爲牽掣。咳愈重聲愈乾。當于受病之處圖之。又曰肺出氣腎納氣。凡咳嗽暴重動引百骸自覺氣于臍下逆奔而上此腎虛不能納氣也。當以補腎爲主毋徒寧肺。

咳嗽不治症。靈樞曰咳而羸瘦脉堅大者死。咳而脫形發熱脉小堅急者死。入門曰凡咳嗽至肺脹有咽瘡失音者必死。

脉數有熱。喘嗽吐血。上氣不得卧者死。正傳曰。久嗽不止。成癆聲啞。或喉中生瘡者不治。丹溪曰。咳嗽肺脹。鬱遏不得眠者。爲難治也。

禁忌法 入門曰。凡久嗽。忌用人參。半夏。陳皮等燥藥。久喘亦忌人參。凡氣嗽。忌罌粟壳。肉荳蔻等澀藥。丹溪曰。凡咳嗽。口乾咽燥而有痰者。忌南星。半夏。宜瓜蒌仁。貝母。若有飲水者。又忌瓜蒌。恐膩膈。

導引 保生秘要曰。伸足坐定。雙握兒訣。用力撐起。低頭躬身。漸下。以兩手扳足尖三次。隨原訣用力仰起。次咽津下降。幽關如此。躬法二十四回。養靜半香效。

運功 保生秘要曰。此症有三種。或感風寒而嗽。或因心火妄動。災於肺竅。但用歸元凝神一法。封固。火不上行。肺竅不痒。其

嗽自止却寒嗽持守微用閉法卻火嗽但用封固取靜後引腎水澆灌肺火周旋度數肺得水潤嗽自然止

哮喘病也。當先辨哮喘與喘與短氣三症之相似而不同。李氏士材曰。喘者促促氣急。噲噲痰聲。張口擡肩。搖身頓肚。哮喘者與喘相類。但不似喘開口出氣之多。而有呀呬之音。呬者口開。呀者口閉。開口閉口俱有聲音。呀呬二音合成哮喘字。以痰結嗽閉與氣相繫。故呬呀作聲。短氣者呼吸雖急而不能接續。似喘而無痰聲。亦不抬肩。但肺壅而不能下。按士材分別三症。致為精細。臨症時所當詳察。哮喘之一症。古人專主痰。後人謂寒包熱。治須表散。宜陳皮湯。冬加桂枝。切思之。大都感於幼穉之時。客犯鹽醋。滲透氣脫。一遇風寒。便窒塞道路。氣息急促。故多發於冬初。必須淡飲食。行氣化痰。為主。宜千金湯。能治一切哮喘。禁涼劑。恐風邪難解也。禁熱劑。恐痰火易升也。蘇子枳壳

青皮桑皮桔梗半夏前胡杏仁山梔皆治哮喘必用之藥士材謂先
於八九月末寒時用大承氣下其熱至冬寒無熱可包此法大妙
而又有食哮喘宜清有水哮喘宜水有風痰哮喘宜干縹有年久哮喘宜皂
青皮散若服青皮散愈後宜用半夏八兩石膏四兩蘇子二兩丸服皆當隨症治之無不可以斷其
根也宜定喘湯

哮喘症治 入門曰哮喘以聲响言喘以氣息言 綱目曰哮喘
遇冬則發者有二症一由內外皆寒須用東垣參蘇溫肺湯一
由寒包熱須用越婢加半夏湯表散之 正傳曰喘促喉中如
水雞聲者謂之哮喘氣促而連續不能以息者謂之喘

喘肺病也內經論喘之因甚多獨諸病喘滿皆屬乎熱一語足爲
綱領王海藏云盛氣有餘便是火氣盛當作氣衰有餘當作不足
肺氣果盛有餘則清肅下行豈復爲喘皆以其火入肺炎燥眞陰

氣衰不足。故喘。所謂盛有餘者。非肺之氣。肺中之火也。海藏誠發
千古之精奧。而猶未究火所由來。火之有餘。卽水之不足。諸逆冲
上。皆緣壯火。食氣銷燦。肺金眞陰虛。故火益旺。其症多自小腹下
火起。而上左尺大而虛。非四物陰血之劑可療。下焦龍火。亦非寒
涼可降。其挾痰者。乃水挾木火而上。非竹瀝枳半能消。必當補瀉
兼行。宜六味作湯加麥冬五味子大劑濃煎服之。則水自升。火自降。痰自消。若六脉俱
沉寢。遍身痰氣。火氣坐卧不得。則又不在此例。宜黃連總之。喘因雖
多。而其原未有不由虛者。元氣衰微。陰陽不接續。最易汗脫而亡。
一時難救。古人言諸般喘症。皆屬惡候。是也。蓋人身氣血陰陽如
連環式樣一般。日兩圈交合之中。一點眞陽命也。牽扯和勻。卽呼
吸調息也。若不接續。卽見鼻扇唇青。掀胸抬抬。張口搖肩等狀。脉
亦不續。無神卽死。故凡喘皆不可忽視也。試條列之火鬱喘。六脉

俱滿。或沉伏。四肢厥冷。拂拂氣促而喘。以為有餘。脉却不緊。數以

為陰虛。尺脉又鼓。指寒熱俱難投。惟當宜散。畜熱宜追遠散加使

之發汗。既愈再養陰和陽。宜六味丸乃佳。水氣喘促。乃水氣逆行。乘肺

肺得水而浮。喘不能卧。氣不宣通。當從小便去之。宜桂苓甘木風

寒外束。喘喘必有力。其氣粗。有餘之喘也。宜三勞碌氣虛喘必呼

吸急促。宜六君子湯胃虛喘。抬肩擗肚。喘而不休。宜五味食喘凡病初

起即喘急。多食或放屁。或咬人。或見壯脉。皆食重之故。消其食自

愈。宜資痰喘動作便有痰聲宜先服定喘湯加瓜痰甚喘痰聲更

甚喘不休。宜神仙氣喘呼吸急促無痰聲宜定喘湯火喘乍進乍退食

則減。已則發。宜桔梗二陳湯暑喘遇暑熱即病宜清暑濕喘不論內蒸外

感。皆胸滿。張口促急。以利水為要。宜參湯陰虛喘火自臍下上冲便

喘不休。宜四物湯加知柏麥肺癰喘必口燥胸中隱隱痛吐膿右

寸脉數寔以保金化毒為主

宜栝梗湯加防風橘紅金銀花麥冬

肺痿喘唾有膿血

或濁痰

宜紫菀散

肺脹喘上氣煩躁目如脫狀脉浮而大

宜越婢加半夏湯

脉

浮心下必有水氣

宜小青龍湯加石膏

藥後喘或其人素來勞倦氣虛或當

病後用攻伐藥太過以致喘不能收

宜補中益氣湯

忽作喘必因感風感

氣或多食飲酒而然須兼所感治之

宜以定喘湯為主各加所感藥

似喘非喘之

喘由陽明之氣下行胃絡不和逆而上出也

宜六君子湯

似火非火之

喘真元耗極腎氣上奔四肢厥冷面赤煩躁惡熱此非邪火乃命

門真火離宮不歸兩寸浮數兩尺微弱用涼藥似稍快少頃依然

此當細求其緒與以助元接真鎮墜之品

宜六味丸腎氣丸參麥散

送下覺氣稍

定復用大劑以鎮於下或可回生

宜大劑參芪加紙牛膝阿膠

小兒行走氣急

作喘必是食食喘必兼感如感風疏風感氣開氣受驚鎮驚加入

消食藥中自愈

宜以平胃散為主各加所感藥

老人動即作喘者由虛衰必用補

肺咳嗽哮喘

益不可專任定喘之劑。宜寓崖喘遇秋冬即發寒包熱也解表則

愈。宜陳喘不休汗出如油氣脫也不治。惟獨參湯濃煎多服。或可

少延時日。種種喘症皆當詳察治之。至用藥通忌。敏滋升發燥熱

酸鹹之品。降氣清火潤肺方為治喘平和之法。宜通用蘇子桑皮

枳壳半夏山桅元參知母青黛黃芩梨肉孫慶會先生云。凡喘皆

貝母杏仁花粉桔梗橘紅天冬麥冬等。不可輕視言易治。旨哉言乎。誠見乎喘病之重。而治喘之難也。臨

症者慎旃。

喘急形症。內經曰肺主氣。形寒飲冷則傷肺。故其氣逆而上

行衝衝而氣急。喝喝而息數。張口抬肩。搖身掀肚者是為喘。

丹溪曰喘急者氣因火鬱而成。稠痰在肺胃也。入門曰呼吸

急促者謂之喘。喉中有聲响者謂之哮。虛者氣乏身冷。痰如冰

寔者氣壯胸滿。身熱便破。又曰有起居如故而息有音者乃肺

之絡脉逆而不得隨經上下也。又曰喘非風寒傷肺則痰火脹急。風寒則祛散痰火則疏導。但火熱者亦不可純用苦寒宜溫以劫之。又曰凡喘未發以扶正爲主。已發以散邪爲主。

喘由腎虛得效曰下元虛冷腎氣不得歸元上喘氣急安腎丸八味丸主之。

喘嗽聲嘶丹溪曰聲嘶者由血虛受熱也蛤粉青黛蜜丸時常含化。

喘病不治症仲景曰凡喘煩躁無脉身冷神昏者死。髮汗如油汗出如珠不流抬肩擷肚喘而不休及膈前高起手足厥冷脉散及數者皆死。直指曰汗出髮潤喘者爲肺絕身汗如油喘者爲命絕。直指語喘滿者不治諸有病篤正氣欲絕之時邪氣盛行都壅逆而爲喘。然則喘之危急又何可以尋常小症

目之哉。

導引哮喘

保生秘要曰用手法於十二椎下脊中穴。搯之六

十四度。擦亦如數。兼行後功。喘自然安。

運功哮喘

保生秘要曰以手摩擦兩乳下數遍。後擦背。擦兩

肩。定心。嚥津。降氣。以伏其喘。

治咳嗽方八十四

寧嗽湯

表病嗽 桔梗 半夏 枳殼 陳皮 前胡
葛根 桑皮 茯苓 蘇葉 杏仁 甘草
加姜葱 冬加麻黃取汗 服此方後再用加
味二陳湯 一劑全愈不必多服

二陳湯

寒嗽 半夏 陳皮 茯苓 甘草

保和湯

內傷咳 貝母 知母 天冬 麥冬 款冬
花 苡仁 杏仁 五味 炙草 紫蘇 薄荷
荷 馬兜鈴 紫苑 桔梗 百合 阿膠
當歸 百部 飴糖 加姜 失血加蒲黃生
地 小蘗 痰多加橘紅 茯苓 瓜蒌仁 喘者去
紫蘇 薄荷 荷 加蘇子 桑皮 陳皮

滋陰清化丸

內傷咳 天冬 麥冬 生地 熟地 知母
貝母 茯苓 山藥 花粉 五味子 甘草

芍藥湯

草 蜜丸 彈
子大含化
小腸咳 白芍 甘草各四錢煎

餘糧湯

大腸咳 禹餘糧 赤石脂

烏梅丸

胃咳 烏梅 細辛 炮附 桂枝 人參
黃柏 乾姜 黃連 當歸 蜀漆 飯丸
胆咳 黃芩 生薑 半夏 甘草

黃芩湯

膀胱咳 茯苓 桂枝 生薑 炙甘草

茯苓湯

木香順氣散

三焦咳 木香 香附 青皮 陳皮 厚朴
蒼朮 枳殼 砂仁 甘草

四物湯

肺咳 川芎 當歸 白芍 地黃

駢二豎湯

肺勞生虫 麥冬 炮姜 川椒 黃蘗 人參
參 肉桂 百部 白朮 遠志 肉 細辛
炙甘草 杏仁

六君子湯

水冷金寒咳 人參 茯苓 白朮 甘草
半夏 廣皮

肺 咳嗽哮喘方

卷一

六

八味丸

過服寒涼 皮澤金 地黃 附子 肉桂 山藥 茯苓 丹

六味丸

火燥肺金 地黃 山藥 茯苓 澤

桔梗湯

火鬱于肺 桔梗 香附 山梔 黃芩 前

參蘇飲

風嗽 人參 紫蘇 葛根 半夏 前胡

金沸草散

熱嗽 金沸草 麻黃 前胡 荊芥 甘草

清火止咳湯

火嗽 赤苓 細辛 加姜 桑皮 知母 貝母 前胡

白朮湯

濕嗽 白朮 三錢 半夏 橘紅 茯苓 五

人參飲子

天行咳 人參 桔梗 五味子 赤苓 半

麻黃蒼朮湯

夜嗽 麻黃 蒼朮 歸尾 炙草 生草 黃芩

加味二陳湯

痰嗽 茯苓 陳皮 半夏 甘草 枳殼

加味二陳湯

痰嗽 茯苓 陳皮 半夏 甘草 枳殼

消風寧嗽湯

新風嗽 葛根 桔梗 枳殼 半夏 陳皮 前胡

大安丸

食嗽 白朮 山查 橘紅 半夏 神效

補中益氣湯

氣虛嗽 茯苓 人參 黃芪 連翹 黃連 陳皮 白朮

阿膠四物湯

血虛嗽 阿膠 升麻 柴胡 川芎 當歸 白芍 地黃

芩連四物湯

聲嘶 黃芩 黃連 麥冬 川芎 當歸

寧肺湯

氣血兩虛 人參 當歸 白朮 白芍 桑皮 阿膠 麥冬 花苓 白木 熟地 炙甘草

五汁膏

虛勞咳血 天冬 麥冬 各二錢半 生地 薄荷 各二錢 貝母 丹皮 各一錢 茯苓 八分 犀角 羚羊 各五分 梨汁 藕汁 菜蔬汁 蔗汁 人乳 各二杯 水 八杯 將

諸藥煎至三杯 去渣入五汁 煉成膏 收蜜二兩 重湯頓半日

人參蛤蚧散

久嗽生瘡 人參 蛤蚧 杏仁 甘草 茯苓 桑皮 知母 貝母 砂糖 白蜜 各一兩 五錢 杏仁 三兩 姜汁 砂糖 紫苑 五味 各

杏仁膏

失音 杏仁 三兩 姜汁 砂糖 紫苑 五味 各

肺

咳嗽哮喘方

卷一

九

劫勞散

清肺湯

劫嗽丸

葶藶散

喻化丸

立效方

百部膏

烏梅膏

一兩 將後四味先熬三炷香
去渣入前四味煉成膏含化

虛勞嗽 白芍 黃芪 人參 甘草 熟地
麥冬 茯苓 當歸 五味 阿膠 半夏

失音 五味子 五倍子 黃芩 甘草 等

久嗽失氣 訶子 百藥煎 荊芥 蜜丸含

浮腫 葶藶隔紙炒 郁李仁 桑皮各一錢
旋覆花 枇杷 木通各八分 大腹皮七

分半加 生姜

久嗽 熟地 阿膠 五味子 貝母 款冬
杏仁 人參 炙草 蜜丸

又 五味子 四錢 貝母 瓜蒌各五錢 杏
仁 蘇梗 天冬各一兩 款冬花八錢 葱

白七根 川椒每歲一粒 共為末入猪肺中
荷葉包蒸熟五更作一次食盡大妙否則留第

二日五更再食同淡燒酒食完另飲陳酒少
許安臥至曉

經年咳 百部 只一味煎膏每含化

又 烏梅 只一味煎膏每含化

逍遙散

乾咳 白木 白芍 當歸 柴胡 茯苓

本事齋甲丸

丹皮 薄荷 麥冬 山梔 牛膝 甘草 湯下 龜甲 五味 地骨皮 蜜丸 食前鹽

異功散

春嗽復發 人參 白朮 茯苓 甘草 陳

瀉白散

桑皮 地骨皮 甘草 粳米 人參

欬冬花散

知母 桑皮 貝母 阿膠 杏仁 炙草

紫蘇飲子

蘇葉 杏仁 桑皮 青皮 陳皮

半夏溫肺湯

胃虛冷 人參 半夏 細辛 桂心 旋覆花

桔梗湯

寒包熱嗽 桔梗 去白陳皮 各一兩 半夏

洗肺散

熱嗽 半夏 三錢 黃芩 天冬 麥冬 各二

夢半丸

錢 五味 杏仁 各一錢 甘草 五分 姜 壯

黃連化痰丸

湯下 五七十九 梨汁 藕汁 萊菔汁 生薄荷

黃連化痰丸

汁 又 黃連 梨汁 藕汁 萊菔汁 生薄荷

半黃丸

熱痰嗽 黃芩一兩半 南星 半夏各一兩
姜汁打糊丸姜湯下三五十九

小陷胸湯

又

白朮丸

胃嗽 白朮一兩半 南星 半夏各一兩
姜汁糊丸姜湯下五七十九

清化丸

胃嗽 貝母一兩 杏仁五錢 青黛三錢
姜汁砂糖丸含化

清金降火湯

肺胃痰火 陳皮 杏仁各一錢半 赤苓
半夏 桔梗 貝母 前胡 瓜蒌仁 黃芩
石膏各一錢 枳殼八分 甘草三分 姜

一片水煎食後服

訶黎勒丸

勞嗽 訶子皮五錢 海粉 瓜蒌仁 青黛
便香附 杏仁 貝母各二錢半 姜汁和
蜜丸櫻桃

大含化

人參芎歸湯

嗽血 當歸 川芎 白芍各一錢半 赤苓
人參 陳皮 半夏 阿膠 細辛 五味
甘草各七分 加

姜三片 薑二枚

瓜蒌丸

食嗽 瓜蒌寔 山查 半夏曲 神曲 等
分 瓜蒌 蘇竹瀝 和丸姜湯下

二母寧嗽湯

又 石膏二錢 知母 貝母各一錢半 山
梔 黃芩各一錢二分 瓜蒌仁 赤苓 桑

圓參飲子

反陳皮各一錢 枳實七分 甘草二分
五味子十粒 姜二片
肺萎瘵癆 人參 半夏 紫苑 阿膠 百
合 天冬 款冬花 杏仁 桑葉 各一錢
細辛 甘草各五分 五味子十五粒 加姜
蘇子降氣湯 橘紅 半夏 當歸 前胡 厚朴各
一錢 炙甘草 沉香 各五分 加姜

星香丸

又南星 半夏 去白陳皮各三兩 香附
二兩 皂角水浸一伏時晒乾 姜汁糊丸
痰嗽 半夏 枳殼 瓜蒌仁各五兩 貝母 桔梗
各二兩 煨一兩 兩半 知母 一兩 姜糊丸

半瓜丸

又蚌壳煨一兩 青黛二錢 研和淡鹽水
滴油散 滴人麻油數點調服三錢

滴油散

痰嗽他藥不效 蚌粉 南星 半夏 知母
澄清飲 母 白各一錢 姜五片 水煎澄清

澄清飲

乾嗽 生地二斤 杏仁二兩 生姜 白蜜
乾嗽 各四兩 搗如泥飯上蒸五七度 每于五更挑

乾嗽補肺膏

三匙 咽下

加味二母丸

又知母 貝母 全巴霜十粒炒黃色入明
礞 白芨 四味等分 姜汁蜜丸含化

片

亥大

卷一

日

瓊玉膏

又生地十六斤搗絞取汁 人參細末二十
四兩 白茯苓細末四十兩 白蜜煉去渣

十斤 一方加天冬麥冬地骨皮各八兩各益
壽永真膏 製法治法詳在喘病方後

桑皮散

血嗽 甘草一錢半 薄荷 桔梗 川芎
防風 桑皮 黃芩 前胡 柴胡 蘇葉

赤苓 枳殼 川貝母各八分 加姜三片藥
二枚

當歸飲

又川大黃 蘇木 生地 當歸 赤芍
等分 烏末每三錢溫酒調服

瓜蒌青黛丸

酒嗽 瓜蒌仁一兩 青黛三錢 蜜丸含化

瓜蒌杏連丸

又瓜蒌仁 杏仁 黃連 等分 竹瀝姜
汁丸

蜂姜丸

又便香附 白姜 蜆粉 瓜蒌仁 蜂
房 杏仁 神曲 等分 姜汁竹瀝加蜜和

貝母湯

久嗽 貝母姜製 乾姜 五味子 陳皮
半夏 柴胡 肉桂各五錢 黃芩 桑皮各

二錢半 木香 甘草各一錢二分半 共為
粗末每五錢入杏仁七枚姜五片煎

加味百花膏

久咳不愈 紫菀 款冬花各一兩 百部五
錢 每用末三錢姜三片梅一枚煎湯下

馬兜鈴丸

又馬兜 杏仁 半夏各一兩 另研巴豆
二十粒去皮心油 皂角煎膏和丸雄黃為
衣每用十粒空心烏梅二個煎湯送下以能利
為度

潤肺除嗽飲

又欬冬花 紫苑 麻黃 陳皮 石膏
半夏 桔梗 桑皮 枳殼 烏梅肉 罌粟
壳各七分 杏仁 薄荷 甘草各五分 五
味子九粒 加姜三片 茶葉三分

清肺飲

火嗽 前胡 荊芥 桑皮 枳殼各一錢
知母 貝母 薄荷 赤苓 桔梗 蘇葉
阿膠 杏仁 天冬 甘草各七分 姜三

柴胡枳桔湯

又麻黃 杏仁 枳殼 桔梗 柴胡 黃
芩 半夏 知母 石膏 葛根各一錢 甘
草五分 加 生薑三片

海青丸

滋陰清化丸

又海蛤粉 青黛 瓜蒌仁 訶子皮 便
香附 生地 熟地 並酒浸 天冬 麥冬各二
兩 黃柏 鹽酒炒 元參 苡仁 各一兩 茯苓
山藥 枳子 甘草五錢 蜜丸彈子大空心含化下
七錢 如痰嗽太甚加
一丸 入陳皮貝母各一兩

一服散

天行散 大半夏二个 杏仁七个 罌粟壳二个 烏梅二个 阿膠一錢 生薑十片 紫蘇十葉 甘草一錢

治哮喘方九

陳皮湯

表散 陳皮 半夏 茯苓 甘草 枳壳 紫蘇 桔梗 蒼朮 黃芩 冬加桂枝

千金湯

總治 麻黃 桑皮 蘇子 杏仁 白果 黃芩 半夏 甘草 欬冬花

清金丹

食時 蘿藦子 蒸晒為末 一兩 猪牙皂角燒 存性 三錢 姜汁 糊火

水哮喘方

水哮喘 芫花 大水上浮萍 米粉 三味搜 為細清 水煮熟 恣意食之

皂莢丸

久時 皂莢 去皮子 弦蜜丸 二錢 明礬 杏仁 白丑頭末 各一錢 紫苑 炙甘草 桑

干縉導痰湯

皮 石菖蒲 半夏 各二錢 胆星 一錢半 百部 一兩 二錢 煎膏丸 前藥 風痰哮喘 牛夏 七个 炮切 四片 南星 陳皮 赤苓 枳壳 各一錢 皂角 甘草 各一寸 並蜜炙 加

參蘇溫肺湯

姜五片 煎服 內外皆寒 人參 紫蘇 木香 肉桂 五味子 桑皮 陳皮 半夏 白朮 茯苓 各

一錢 甘草五

分 加姜三片

越婢加夏湯

寒包熱 石膏四錢 麻黃二錢 半夏一錢 甘草一錢

定喘湯

除根 麻黃八分 杏仁一錢半 黃芩半 夏桑皮 蘇子 款冬花 甘草各一錢 白果二十一粒 去壳炒黃色

治喘方二十三

六味丸

總治 地黃 山藥 山黃 丹皮 茯苓

黃連膏

喘難坐臥 川連四兩 金銀各一錠 水九碗 煎二碗 再用水六碗 煎一碗 再用水二碗 煎半碗 共成膏 入人乳一兩 童便一兩 姜韭拍田螺汁各一兩 薄蜜收貯 薑器中 漸服

逍遙散

火鬱 當歸 茯苓 白朮 白芍 柴胡

桂苓甘朮湯

水氣 茯苓四錢 桂枝 白朮各三錢 甘草二錢

金匱腎氣丸

又 地黃 萸肉 山藥 丹皮 澤瀉 茯苓 附子 肉桂 牛膝 車前子 甘草 風寒 麻黃 不去節 杏仁 不去尖 甘草不炙 等分 加姜取汗

三拗湯

肺 咳嗽哮喘方

卷一

三

六君子湯

五味子湯

資生丸

定喘湯

神仙住喘湯

桔梗二陳湯

清暑益氣湯

參濕湯

勞碌 陳皮 人參 茯苓 白朮 甘草 半夏

胃虛 五·味子 人參 杏仁 麥冬 陳皮

食喘 加姜棗 白朮 茯苓 橘紅 山查

神曲 川連 白蔻仁 澤瀉 桔梗 廣藿

香 白扁豆子 建蓮肉 苡薏仁 山藥

痰喘 麥芽 紫菀 五味子 橘紅 炙甘草 蘇

子 桑皮 蘇葉 杏仁 半夏 枳殼 加

生薑 甚者加葶藶 子厚朴 陳皮 前胡

分 甚 黑丑頭末一錢 明礬三分 皂角四

汁調下十服 人參一分 共為末用萊菔

無不愈者 茯苓 陳皮 半夏 甘草 桔梗

火喘 枳殼 黑山梔 黃芩 黃連 白朮 升麻

暑喘 人參 黃芪 蒼朮 當歸 青皮 麥冬

葛根 甘草 五味子 蒼朮 白朮 甘草 乾姜 茯苓

濕喘 橘紅 丁香 加姜棗

四物湯

陰虛 川芎 當歸 白芍 地黃

桔梗湯

肺癰 桔梗 貝母 當歸 瓜蒌仁 枳壳
以仁 桑皮 黃芪 漢防已 甘草節

杏仁 乾

紫苑散

肺萎 紫苑 知母 貝母 人參 桔梗
甘草 茯苓 阿膠 五味子

越婢加夏湯

肺脹 大棗 先煮麻黃去沫再入諸藥合煎
水氣 麻黃 桂枝 白芍 細辛 甘草 半夏

小青龍湯

乾姜 半夏 五味子 歸身 白朮 甘草
藥後喘 人參 黃芪 柴胡

補中益氣湯

似火非火 人參 麥冬 五味子
陳皮 升麻 柴胡

生脉散

小兒 蒼朮 厚朴 陳皮 甘草 加姜棗

平胃散

老人 熟地 山藥 補骨脂 益智
砂仁 丹皮 茯苓 澤瀉 桂 附子

嵩崖脾腎丸

車前子 牛膝 蜜丸
乾咳 生地十八斤 搗絞取汁 人參末一斤半

瓊玉膏

茯苓末三斤 白蜜煉去渣十斤 右和勻
市 亥 飲 羊 島 与 益 一 否

人磁缸內以油紙五重厚布一重緊封缸口置
 銅鍋內水中懸胎令缸口出水以上以桑柴火煮
 三晝夜鍋內水減用煖水添之日滿取出再用
 蠟紙緊封缸口納井中浸一日夜取出再人舊
 湯內煮一日夜以出水氣乃取出先用少許祭
 天地神祇然後每取一二匙溫酒調服如不飲
 酒白湯下日進二三服如夏熱天置陰涼處或
 藏水中或埋地中須于不聞雞犬聲幽淨處不
 令婦女喪服人見之製時終始勿犯鐵器服時
 忌食葱蒜菜蔬醋酸等物
 此膏填精補髓調真養性返老還童補百損除
 百病萬神俱足五藏充溢髮白還黑齒落更生
 行如奔馬日進數服可免飢渴功效不可盡述
 一料分五劑可救癱瘓五人一料分十劑可救
 勞瘵十人

沈氏尊生書卷二

雜病源流犀燭

臟腑門

諸氣源流

沈金鰲撰

諸氣肺病也。經曰肺主氣。又曰諸氣皆屬於肺。凡人清純元氣與血流行循環無端。若衝擊橫行於臟腑間而爲痛。爲痞滿。爲積聚等病者。氣失其平也。下手脉沉。便知是氣極。則伏若感氣肺脉必洪大。若動怒肝脉亦必洪軒。岐分九氣。喜怒勞思悲恐驚寒暑。喜則氣緩。怒則氣逆。勞則氣耗。思則氣結。悲則氣沮。恐則氣凝。驚則氣亂。寒則氣收。暑則氣泄。又喜恐驚屬心。腎胆過則耗散真氣。怔忡健忘。失志不足。諸症作。怒憂思屬肝。脾肺過則鬱抑邪氣。癰狂噎膈腫脹疼痛。有餘諸症。作以上諸症治法各詳本條內法宜高者抑之。下者與之。寒者溫之。熱者清之。驚者平之。勞者和之。然後諸氣可得而

治也。古人云：人有病在七情，非藥可治也。還卽以情治之，此旨甚微。醫者亦所宜審。如恐可治，喜以遠迫死亡之言怖之，悲可治，怒以愴悴苦楚之言感之，喜可治，憂以謔浪褻狎之言調之，怒可治，思以污辱欺妄之言觸之，思可治，恐以慮彼忘此之言奪之，此足救醫藥之所不逮者。丹溪云：氣有餘便是火，蓋言邪氣有餘，非言元氣也。經云：壯火食氣，亦謂邪氣之寔。而壯者能耗元氣，宜稍清之，使有餘之邪不爲元氣之害。宜黃芩、山梔、黃連、生地、黃柏、連翹等。但苦寒之藥施於邪氣有餘者，方可。若元氣不足，邪氣有餘，苦寒之品最傷脾胃。切勿妄投。總之用藥有四法：氣虛當補，宜人參、黃芪、白朮、茯苓、河車、煨草。氣升當降，宜蘇子、橘紅、烏藥、枇杷葉、重則降香、沉香。氣逆當調，宜木香、白蔻仁、砂仁、香附、陳皮。氣寔當破，宜枳實、厚朴、枳殼。循是四法，再能各因病症而治之，自無不效矣。所謂病因若何，有病人自覺冷氣從下而上者，非真冷也。上升之氣自肝

而出中挾相火。陽亢陰微。火極似寒者。宜六味丸。有氣結。痰在喉間。吞

吐不得。膈痞嘔惡者。宜四逆散。有氣虛。胸中虛痞。喜按者。宜補中益氣湯。有氣

逆。上盛下虛。痰盛胸噎者。宜蘇子降氣湯。有氣逆。肋滿積聚。脹痛者。宜沉香

氣丸。有氣收。胸寒上喘。腹脹不和者。宜分氣紫蘇飲。有氣不宜流。成瘡癰並

挫閃腰肋痛者。宜復元通氣散。有氣聚而不得散者。宜大七氣湯。有昏迷痰塞

牙緊似中風。但身冷無汗者。急以蘇合丸灌之。再依次服藥。次宜順氣

散。再大宜。如餘痰未平。再換方藥治之。宜星香散。一切氣鬱。總宜以化

滯為主。宜木香化滯湯。

脉法 仲景曰。脉浮而汗出如珠者。衛氣衰也。又曰。寸口脉微

而澹。微者衛氣衰。澹者榮氣不足。又曰。跌陽脉微而緊。緊則為

寒。微則為虛。微緊相搏。則為短氣。脉經曰。寸口脉瞥瞥如羹

上肌者。陽氣微。繫繫如蛛蜘蛛絲者。陰氣衰。又曰。代者氣衰。細者

氣少浮而絕者氣欲絕。脉經曰下手脉沉便知是氣沉極則伏瀕弱難治。其或沉滑氣兼痰飲。又曰脉沉細動皆氣痛症。心痛在寸腹痛在關下部在尺脉象顯然。

氣爲諸病。子和曰諸病皆生於氣。諸痛皆因于氣。回春曰風傷氣者爲疼痛。寒傷氣者爲戰慄。濕傷氣者爲腫滿。燥傷氣者爲閉結。直指曰人有七情病生七氣。氣結則生痰。痰盛則氣愈結。故調氣必先豁痰。如七氣湯以半夏主治。官桂佐之。蓋良法也。又曰七氣相干。痰涎凝結。如絮如膜。甚如梅核。窒碍于咽喉之間。或中滿艱食。或上氣喘急。曰氣膈。曰氣滯。曰氣秘。曰氣中。以至五積六聚。疝癖癥瘕。心腹塊痛。發則欲絕。殆無往而不至矣。當治以七氣湯四七湯。

氣逆則滯。入門曰凡人逆則氣滯。亦令氣結。輕者行動而愈。

重者橘皮一物湯

氣不足病 靈樞曰邪之所在皆爲不足故上氣不足腦爲之不滿耳爲之鳴頭爲之傾目爲之瞑中氣不足溲便爲之變腸爲之鳴下氣不足乃爲痿厥心惋

氣絕候 靈樞曰五陰氣俱絕則目系轉轉則目運目運者爲志先死志先死則遠一日死矣六陽氣俱絕則陰與陽相離離則腠理發泄絕汗乃出故旦占夕死夕占旦死又曰六腑氣絕於外者上氣脚縮五臟氣絕於內者下利不禁甚者手足不仁又曰陽氣前絕陰氣後竭者其人死身色必青陰氣前絕陽氣後竭者其人死身色必黃腸下溫心下熱

中氣暴病也凡人暴喜傷陽暴怒傷陰憂愁拂意氣多厥逆皆能致中氣之病要惟忿怒爲尤甚蓋怒則氣惟一往有升有降便覺

痰涎壅塞。牙關緊閉。一時昏倒。不省人事。若以姜湯急灌之。立時可醒。既醒之後。隨症調治。當無不痊。非若中風之病。猝難爲之救治也。宜入味順氣散。木香順氣散。

脉法 得效曰中風脉浮。身溫口多痰涎。中氣脉沉。身涼口無痰涎。

中氣非中風可比。得效曰中風而以中氣藥治之。亦無所傷。中氣而以中風藥治之。禍不旋踵。入門曰中氣虛者。八味順氣散。寔者。四七湯。醫鑑曰。內經云。無故而瘖。氣不至。不治。自已。謂氣暴逆也。氣復則已。審如是。雖不服藥亦可。

上氣肺病也。經曰邪在肺。則寒熱上氣。又曰肺藏氣。氣有餘則喘咳。上氣蓋由肺經受邪。氣道壅塞。呼吸少。其息促急也。經言氣有餘。只邪氣耳。宜菴子降氣湯。沉香降氣湯。快氣湯。

上氣不治症 正傳曰。上氣而面浮腫。肩息。脉浮大者不治。如
又加脹。則更甚矣。

下氣。腸胃鬱結病也。蓋惟鬱結。則腸胃之氣不能健運。所納穀食
之氣。從內而發。不得宣通。往往上行則多噎氣。上行不快。還而下
行。因復下氣也。此下氣之常症也。經云。夏脉者心也。心脉不及。下
爲氣泄。此言下氣之原。由於臟病者。又云。癰癩癆瘵。若氣下泄不
止。必死。以真氣竭絕。腸胃腠理閉塞。故氣不能宣通于腸胃之外。
故從腸胃中泄出。此言下氣之原。由於真元虛者。經所言俱非常
病也。宜七氣湯

傷寒亦有下氣 仲景曰。傷寒陽明病。胃中有燥屎者。必轉矢
氣下之。卽愈。轉矢氣者。氣下泄也。

短氣。元氣虛乏之病也。當補氣。不可瀉肺。治法無二。宜加味生脉散其氣出

多人少者最爲難治

宜極陰理癆湯加黃芪白朮

脉法 仲景曰跌陽脉微而緊微爲虛緊爲寒微緊相搏爲短氣 脉經曰跌陽脉浮而濇濇則衛氣虛虛則短氣又曰寸口脉沉胸中短氣也

短氣症治 仲景曰平人寒熱短氣不足以息者寔也又曰短氣有微飲當從小便去之 入門曰短氣者呼吸不相接續也有結胸者有停水怔忡者有風濕相搏者有素弱氣虛者大抵心腹脹滿者爲寔爲邪在裏心腹濡滿者爲虛爲邪在表又曰氣散則中虛倦怠無力短氣不足以息當補中益氣

少氣肺腎二經病也經曰腎生氣腎虛則少氣力言吸吸骨瘦懈惰不能舉動又曰肺藏氣肺不足則息微少氣以是知腎虛則氣無所生既不克壯氣之原肺虛則氣無由藏又不克充氣之府曰

少者猶言所剩無多。虛虛怯怯。非如短氣之不相接續也。知此則

少氣可得而治矣。

宜四君子湯。人參黃芪湯益氣湯。

少氣症狀。東垣曰。內傷脾胃。致中氣虛少。易老曰。真氣虛

耗。脉弱懶語。綱目曰。少氣者。氣少不足以言也。

氣逆火病也。故內經曰。諸逆衝上。皆屬於火也。又曰。何謂逆而亂。曰。清氣在陰。濁氣在陽。榮氣順脉。衛氣逆行。清濁相干。亂於胸中。是為太惋悶。故氣亂於心。則煩心密默。俛首靜伏。亂於肺。則俯仰喘喝。接手以呼。亂於腸胃。則為霍亂。亂於臂胫。則為四厥。亂於頭。則為厥逆。頭重眩仆。則知逆亂之故。皆由火熱上衝。氣不得順之所致也。然則治逆。惟有散火而散火必先降氣。氣降則火自清。火清而逆自平也。

宜退熱清氣湯。

合治法。

宜滋陰降火湯。加便香附。茯苓。神。沉香。

肺諸氣

氣逆症 丹溪曰病人自言冷氣從下而上者此上升之氣自肝而出中挾相火其熱爲甚自覺其冷非眞冷也又曰氣之上逆屬陽無寒之理覺惡寒者乃火極似水也

氣鬱內外因俱有之病也其始或因七情或因飲食或因六淫雖其端甚微而清濁相干往往由氣成積由積成痰痰甚則氣不得宣而愈鬱或痞或痛蓋有必至者矣宜交感丹木香勻氣散降氣湯上下分消導氣散

脉法 千金方曰諸氣逆上脉必沉澹

氣鬱症 正傳曰氣鬱而濕滯濕滯而成熟故氣鬱之病多兼

浮脹滿也

此氣鬱條當與諸鬱篇參看

氣滯澹五臟俱有病也凡人之生不外氣血而此氣血五臟皆兼有之但氣爲先天之用陽也無形而有影血爲後天之用陰也有形而成質陽常足以統陰故血之榮枯一隨乎氣之盛衰氣盛則

血亦榮而潤澤。氣衰則血必枯而減形。甚哉人生之重乎氣也。蓋
氣苟衰弱。漸必滯澁。氣既滯澁。每各隨乎所滯之臟腑而成病。治
之者。宜先其滯澁。宜調氣散木。香化滯湯。俟宣通後。再加補益。宜補中益氣湯。益氣丸。

五氣滯澁。保生秘要曰。氣澁于肝。則肝氣不順。或撓脇而疼。
或成疸症。或成目疾。或成風患。諸瘋掉眩。皆屬于肝也。春月木
旺。常宜嘘吸爲補瀉之法。和其肝氣。勿食諸肝。以免死氣。又肝
傷其魂也。宜燒蒼朮香。清晨飲屠蘇酒。馬齒莧以祛一年不正
之氣。大抵陽春初升。景物融和。當眺覽園林。尋春郊外。以暢春
生之氣。氣澁于心。心爲一身之主。統領血海。故心血少則神不
定。寢不安。百病集作。諸痛痒瘡瘍。皆屬心火。常常呵以泄其火。
吸以和其心。諸心切勿食。穢氣傷我靈。夏至夜半後。地氣一陰
生。大熱勿食冷。受寒霍亂侵。更忌房中事。元炁離命門。大抵甚

暑天善于養心則無秋患時當飲六一燈心湯草薹香茹水飽醉勿頂風前卧慎此則無患矣氣滯于肺則肺氣不清液凝滯而生痰諸痰臍臂皆屬肺上焦之疾或傳于大腸秋月金旺宜常咽吸以和其肺氣慎勿食諸肺則不厭其魄時秋初夏末熱氣酷甚少貪風涼免傷背之腧穴中風之症蓋感此也肅殺之天殺中有生秋分之日戒傷生命大抵萬物收斂人心更要時守勿爲馳逞發揚氣滯于腎諸寒收引皆屬腎水氣弱或作腰疼水枯睡人昏暗兩耳難察律音冬月水旺常吐納按節吹氣調和會意掌心所忌須避寒冷最宜早臥遲升大抵冬月斂藏氣閉至陰已極宜節慾養一陽之初生蓋陰陽交精子午合璧萬物氣微在下不可動搖守此則保壽無疆氣滯于脾則胃口凝滯不克飲食而多瀉洩久不疏通則成中滿之症諸濕腫滿

皆屬于脾。四季脾居士。輕呼稍寬胸。大病須服氣。能伏養谷神。
蓋脾為一身之主。氣滯于內。却內五臟之患。滯于外。防癰疥之
憂。皮裏隔膜有積熱。而內外相感。猶防疽毒。所感者七情六欲
而生也。此亦可知百病之生。皆由氣之滯。溫藥物之外。更加調
養。則病可却。而生可延。況古云。醫道通仙道。修仙之術。端由煉
氣。煉形入手。以至變化生神。而素問首卷。亦曰。恬淡無為。斂神
內守。寔以靜功調養真氣。靈樞用針灸。亦是行氣之法。起膏
肓之疾。可見上古醫經。專從理氣治患。非徒恃土石草木之藥
物已也。後哉此旨。凡醫者病者。安可畧而不論。徒恃方藥乎。故
附錄于此。

氣痛三焦內外俱有病也。人身之氣。周流不息。本無停止。多因七

情六氣飲食勞役所鬱。以致凝滯。上焦則為心胸痞痛。宜枳橘湯

九凝滯中焦。則為腹脇刺痛。宜木香破氣散凝滯下焦。則為疝瘕

腰痛。宜四磨湯木凝滯于內。則為癰積疼痛。宜化積丸凝滯于外

則為遍身刺痛。或浮腫。或臌脹。宜流氣飲子總而言之。何莫非氣

之為病哉。

氣痛症治 入門曰人身元氣與血循環。彼橫于臟腑之間。而為疼痛。積聚痞癰。壅逆胸臆之上。而為痞滿刺痛等症。皆由氣結甚。為痰飲初起。宜辛溫開鬱行氣。豁痰消積。久則宜用辛寒降火以除根。氣鬱按本條氣痛與氣滯澁為病。由于氣之虛。氣痛為病。由于氣之寒。治諸氣方十三

六味丸

火極似寒 苓 澤瀉

地黃 山藥 山萸 丹皮 扶

四七湯

氣結 半夏 茯苓 厚朴 蘇葉 姜

七氣湯

又 半夏二錢 姜二片 人參 肉桂 炙草各七分

補中益氣湯

氣虛 升麻 人參 當歸 黃芪 白朮 柴胡

蘇子降氣湯

氣逆 蘇子 半夏 前胡 炙草 當歸 沉香 大黃 白朮 沉香 竹瀝姜

沉香化氣湯

又 沉香 大黃 白朮 沉香 竹瀝姜 汁丸 砂為衣 每服一錢

分氣紫蘇飲 氣收

復元通氣散 氣不宣通 大茴香 穿山甲 延胡索 白

大七氣湯 氣聚 三棱 莪朮 陳皮 桔梗

順氣散 痰塞 人參 茯苓 白朮 白芷 青皮

調氣散 陳皮 烏藥 各一錢 香附 二錢 炙草 五分

星香散 又 藿葉 八分 砂仁 四分 檀香 木香 各二分 鹽 少許

木香化滯湯 總治氣鬱 枳實 當歸 柴胡 木香 陳

皮 草薏仁 香附 甘草 牛夏 紅花 胸滿加枳殼 桔梗 砂仁 腹脹加厚朴 枳實 小腹痛加青皮 尖板榔 易怒加黑山梔 柴胡 氣痛加烏藥 熱加黑山梔

治中氣方三

八味順氣散 中氣 人參 白朮 白芷 茯苓 陳皮

木香順氣散 又 陳皮 烏藥 各七分 甘草 三分 香附 半夏 枳

肺 諸氣方

桂 乾姜 炙甘草各三分

加生薑三片

四七湯

又 半夏二錢 赤苓一錢六分 厚朴一錢二分 蘇葉八分 姜三片 棗二枚

治上氣方三

蘇子降氣湯

上氣 半夏曲 蘇子各一錢 肉桂 陳皮 各七分半 當歸 前胡 炙甘草 厚朴各五分 加生薑 大棗 蘇葉

沉香降氣湯

又 沉香附四兩 炙甘草一兩二錢 砂仁五錢 沉香四錢 共末每二錢蘇葉鹽湯下

快氣湯

又 香附三兩五錢 砂仁八錢 炙甘草四錢 共末每錢鹽湯下

治下氣方一

七氣湯

下氣 半夏三錢 人參 肉桂 炙草各七分 姜三片

治短氣方二

加味生脉散

短氣 陳皮 人參 麥冬 五味子 阿膠 白朮

拯陰理癆湯

又 酒姜汁炒生地 歸身 麥冬 五味 人參 白芍 炙草 蓮子 苡薏仁 牡丹

皮 橘紅

治少氣方三

四君子湯

少氣 人參補肺扶元 白朮健脾燥濕 茯苓

人參黃芪湯

又 人參二錢 黃芪 白朮 陳皮各一錢

益氣丸

又 人參 麥冬各七錢 陳皮 炙甘草各五錢 五味二十一粒 水浸和油燒餅丸

治氣逆方二

退熱清氣湯

氣逆 柴胡 陳皮 赤苓各一錢 半夏 枳殼各八分 便香附七分 川芎 砂仁各五分 木香

滋陰降火湯

又 白芍一錢三分 當歸一錢二分 熟地 天冬 麥冬 白朮各一錢 生地八分 陳皮七分 蜜炒知母 蜜炒黃柏 炙甘草 各五分 姜三棗二

治氣鬱方四

交感丹

氣鬱 香附一斤長流水浸三日炒 茯苓四兩 蜜丸彈子大每丸細嚼煎降氣湯下

肺

諸氣方

卷二

九

降氣湯

又 香附 茯神 甘草各一錢

木香勻氣散

又 藿香 炙草各八錢 砂仁四錢 沉香
木香 丁香 檀香 薤仁各一錢 共為
末 每用二錢 加生姜三片 紫蘇葉五片 食鹽少
許 煎湯調下

上下分消湯

又 枳殼 川芎 桑皮 桔梗 赤苓 厚
朴 青皮 香附各二兩 半夏 澤瀉 木
通 枳榔 麥芽 瓜蒌仁 姜汁炒黃連各
一兩 炙甘草三錢 共末 每一兩加姜三片
煎服 或神曲糊丸 白湯下 七八十丸 亦可名分
消丸

治氣滯澁方四

調氣散

先調 薏仁 丁香 檀香 木香各二分
藿葉 八分 砂仁 四分 炙草 七分 鹽少許
又 枳實 當歸 柴胡 木香 陳皮 草
薤仁 香附 甘草 紅花 半夏

木香化滯湯

補中益氣湯

益氣丸

治氣痛方十

又 人參 麥冬各七錢 陳皮 炙草各五
錢 五味二十一粒 水浸 油餅丸

枳橘湯

上焦痞痛 枳殼一錢半 陳皮八錢 姜四片 煎服 鬱甚加姜黃少許

清膈蒼莎丸

上焦濕熱 鬱痛 蒼木二兩 便香附一兩半 黃連 黃芩各五錢 共為末用紅熟灰薑

木香破氣散

中焦氣痛 香附四兩 烏藥 姜黃各二兩 炙甘草 木香各五錢 每末二錢鹽湯下

撞氣阿魏丸

又 莖香各一兩 砂仁 肉桂 白芷各五錢 胡椒二錢半 阿魏二錢半 酒浸一夜打

糊生薑四兩切片用鹽一兩淹一夜炒至褐

色共為末以阿魏糊丸茨子大味為衣每

四磨湯

取三九空心細嚼姜鹽湯下 亦治一切氣痛

木香檳榔丸

又 大黃四兩 黑丑 黃芩各二兩 木香 檳榔 黃連 當歸 枳殼 青皮 便香

附 陳皮 黃連 當歸 枳殼 青皮 便香

化積丸

內痛 三稜 莪朮 五靈脂 蘇木 水丸

三稜散

又 三稜 八錢 雄黃 川芎 四錢 酸熾大黃一錢

流氣飲子

木香流氣飲

外痛 大腹子一錢 陳皮 赤苓 當歸
白芍 川芎 黃芪 半夏 枳實 甘草
防風 各七分半 蘇葉 烏藥 青皮 桔梗
各一錢半 木香 二分半 姜三兩二
以 陳皮一錢 藿香 木香 厚朴 青皮
香附 麥冬 沉香 白芷 各七分半 白
木 肉桂 木通 板櫟 蘇葉 各六分 草
薏仁 甘草 各五分 大腹皮 木香 人參
莪朮 半夏 丁香 皮 赤苓 石菖蒲 各
三分 姜三兩二水煎服

疹子源流

沈金鰲撰

疹子肺經病也。脾爲肺之母。風邪熱毒感受最易。感之久則毒邪凝聚於脾也。且移其禍于肺。又以脾主肌肉。肺主皮毛。疹子之發由肌肉以越皮毛。肺之受制獨甚。故曰肺病也。觀其未出之先。咳嗽鼻涕嚏噴可驗矣。其有眼胞浮腫。目淚汪汪者。肺乘所尅。毒侵於肝也。其有惡心乾嘔煩悶者。肺與心連。毒邪熏灼于心也。故前人云。疹子一症。四臟俱受其傷。惟腎無忌。而肺則病之所由。以發者也。惟病發於肺。故極疹之變。亦以毒邪陷入於肺。而致變。惟病發於肺。故治疹大法。亦必以清肺消毒爲主。此疹之原也。或云疹子之發。爲時行癘氣傳染。故沿門遍及。而要必因冬溫太過。其反常之氣。鬱於臟腑。留于經絡。故當春夏發洩之期。感此一時風熱之癘氣。發爲疹也。夫冬溫之氣。人人中之一時風熱。又人人受之。

故疹毒之發洩亦人人患之其曰傳染者以疹發毒洩一種熱蒸穢氣隨汗而出卽隨風而流在他入會中冬溫之氣又適感一時之風熱者今觸此隨風而流之穢氣隨亦發疹固不啻由此傳彼由寡傳眾也其元氣壯未曾受感者則不發且以疹之盛於今也向來惟嬰兒患之今則毋論男婦壯老皆患疹矣向來之疹不至死生交關今則治稍不善往往而死矣豈盡天道使然歟良由人稟受日薄元氣虛衰邪氣之相襲益深也故向來疹科獨少全書間有言及者多附于痘書中畧而未備茲試詳而論之凡舊說之得當者卽采錄焉疹卽痧也北方謂之疹南方謂之痧未出兩三日前卽憎寒壯熱鼻流清涕身體疼痛嘔吐泄瀉咳嗽氣急腮紅眼赤乾嘔惡心目淚噎噴便是疹候宜蘇葛湯加味升麻湯及其既出則有顆粒綻起於皮膚之外必自頭至足無一處不有而尤以頭面多

出為吉。自出至沒。約以三日為準。或出一日即沒者。乃為風寒所

衝。必至毒邪內陷。

宜於羊散大青湯。元參解毒湯。

倘不早治。胃爛而死。

宜犀角解毒湯。

已

過三日不沒者。乃內有濕熱之故。

宜四物湯加犀角汁。

然所謂三日漸沒。第

以手摸之無痕耳。肌膚之內隱隱紅點。雖至五六日亦有至疹子

之色。則以鮮明紅潤為佳。赤紫乾燥晦暗。皆火盛毒熾。急治始無

變症。

宜六一散或四物去地黃加炒黃芩番紅花等類。

若渾身如錦紋。則為夾斑疹。

宜化毒湯。

若色白則為血不足。

宜養血益榮湯。

若黑色則九死一生矣。

急與大青湯。

既沒

之後。必慎風寒。戒勞碌。靜養三七日。至色愈一事。非七七日後斷

不可犯。蓋疹雖已痊。餘邪萬不能一時即盡。使傷精喪血。慾火煽

動。恐邪復乘虛肆橫。至生別症。設有此患。急宜大補氣血。仍兼消

毒清火。

宜十全大補湯加威靈。

飲食禁忌尤宜小心。五辛早令生驚搖。鹽醋早

令咳不止。雞魚早令天行時即重出。此皆終身為患。故須切戒。總

之疹子出必貴速。沒必貴漸。速出則毒得盡洩。不至停留于中。漸沒則自無冲遏。而餘毒亦解。故出不速者。必用藥以開其腠理。而催發之。宜麻黃散消毒飲。凡用方劑。必要配合歲氣時令。沒不漸者。必用藥以清其熱。而和解之。宜犀角消毒散。至于發熱時有汗自出者。有鼻衄血者。皆不得遽止之。以毒能隨汗衄洩也。然衄血者少。而自汗者多。以衄必其人陽素盛。復因熱毒熏灼。而傷血分。故上溢而從鼻出。鼻為肺竅。疹又為肺病。故也。然其症必重。衄太過亦須止之。宜茅花湯。汗者乃心之液。疹家之汗。則不盡出于心。而出于肺。蓋肺之氣化本下。輸于臟腑。滋灌于經絡。茲為疹毒所蒸。遂越皮毛而出。毒亦因之以洩。是汗固疹家必不可無。故發熱時或不得汗。必表散以出之也。宜蘇葛湯升麻葛根湯。葱白湯。雖然汗固宜矣。畢竟當以亡陽為戒。在無汗而以藥發之者。既得之後。切不可再汗。在自有汗者。即不得輕用表藥。迫

疹出既齊。汗猶外溢。須審其情勢而止之。宜黃此又于常法之外

曲防其變者也。大抵強壯人汗或多出。猶不妨。虛弱人則急宜斟酌耳。夫疹之根由既悉。則疹之變故宜悉。疹之情狀既明。其疹之

治法宜備。大約發熱之時。審知必是出疹。急與疎散透肌。固已但

必明乎歲氣所屬。辨乎時令所宜。而後用之。以配君臣佐使。蓋所

謂歲氣所屬者。人中黃屬土。甲巳年黃芩屬金。乙庚年黃柏屬水。

丙辛年黃連屬火。戊癸年梔子黃屬木。丁壬年既以其年所屬為

君。即以餘年所屬為臣。而荆防蘇喬苦參牛蒡山豆根皆其佐也。

使也。所謂時令攸宜者。如溫煖時必用辛涼。宜防風暄熱時必用

辛寒。宜黃連大寒時必用辛溫。宜桂枝時寒時暖必用辛平。宜升

湯不得妄施汗下。此即師韓飛霞修造五瘟丹之意。出齊之後風

邪之宣散已十去八九。熱毒之未洩者正多。急與清金降火。清金知母

石膏麥冬牛蒡花粉之屬降火而毒自解矣此即蓮荷門施氏療

治之法收沒之後則以滋陰養血為主而兼帶清涼昔人云麻疹

出六腑先動陽分而後歸于陰經故當發熱必火在榮分煎熬以

至血多虛耗又必內多寔熱故須用養陰退陽之劑宜四物湯加黃連防風連

喬凡一切燥熱升陽動氣者皆在禁例如參朮牛夏等此即探支氏錄本

之遺斯為三大綱領治疹之總要也誠能按法治之寧慮其有變

端乎而亦有不能免者在透發前或皮膚乾毛孔閉淹延難出是

毒邪怫鬱于內也宜麻黃散或依歲氣時令用表散解毒藥仍不能出

應再服前藥更用外治法宜胡荽酒之類如此三四次仍不出反見腹脹

疼痛上氣喘急昏眩悶亂煩躁不安此必死可勿藥或發熱時多

渴宜人參白虎湯萊豆過于飲水定生水蓄之症水入肺必喘必

咳宜葶藶心炒糯米湯等水入脾必腫必脹必自利入胃必利必嘔噦俱宜二苓水

咳宜葶藶心炒糯米湯等水入脾必腫必脹必自利入胃必利必嘔噦俱宜二苓水

入心。必驚。必悸。宜赤苓木通湯水入肝。必脇痛。宜羌花等水入腎與膀胱。必小

便不利。宜車前子通草等務各以對經之藥宣洩五臟之水。或咽喉腫痛。

不能飲食。毒邪怫鬱。激而上熏也。宜甘桔湯加元參連翹牛蒡或咳嗽口乾。心

煩。毒邪在心肺。透發未盡也。宜瀉白散加翹葛元參花粉以瀉肺

或發熱時吐利。滯下。毒邪內迫。上則吐。下則利。甚則裏急後重。而

滯下也。吐宜竹茹石膏湯自利宜猪苓湯滯下宜黃芩湯或初出時頻瀉稀水。最爲惡候。

但疹出稠密。或色紫赤太甚者。反不妨。由毒邪鬱遏大腸。惟瀉斯

解。宜平胃散加喬葛等迨疹發透收沒。自然瀉止。若既收仍瀉。毒必未盡。急

須分利解毒。宜平胃散加喬葛等萬萬不可止瀉。以致痞脹喘急。

便爲不治之症。凡此皆收沒以前之患。所當于三大綱領外隨症

調治者也。至于後四大症。其害尤爲不小。醫者更宜着急。一日

疹後癆。疹既收沒。毒邪猶鬱于肌肉間。晝夜發熱。漸至髮焦膚枯。

羸瘦如柴。變成骨蒸癆瘵。急須調治。宜金花丸清火消毒湯加當歸連翹川芎盧會使君子龍

胆草等胃弱兼用胃苓湯遲則口鼻氣冷睡卧露睛手足厥冷搐掣必至不救

即未羸瘦而遍身壯熱癰瘰煩躁寔由陰虧血耗至餘毒入肝而傳于心故如此。宜當歸養血湯金花丸清火消毒湯一日疹後疳

餘毒未盡陷入胃家忽發走馬疳牙根臭爛血出頰腫環口青黑

久則腮穿齒落唇缺鼻壞急救勿緩內治以速清胃火為主。宜金花丸

清胃湯外治以散毒去腐為主。宜文蛤散如瘡色白者其胃已爛必

死一日疹後癰疹前曾作瀉病調解未清至是變成休息癰日夜

無度裏急後重餘毒流入大腸也不論赤白總應養血行氣。宜黃

益血和而痢自止氣行而後重除也然須分虛寔寔者不妨微利

宜三虛者只可調和。宜香一日疹後嗽氣喘息高連聲不止甚至

咳血或噎出飲食此毒歸于肺肺焦葉舉也名曰頓嗽。宜麥冬清肺飲加連

喬而或體寔宜寧或神虛宜清亦當分別如胸高肩聳手擺頭搖

口鼻出血面色青赤或枯白或晦黯皆不可治而亦有肺氣極虛

毒過發喘不至噎食咳血者不得泥乎肺熱專為解毒清肺也宜麥

冬清肺飲此四者皆為疹後壞病關乎生死切勿妄治而此四症

倍加人參之外容有燒熱不退者血虛血熱也宜只須滋陰補血其熱自除

物易為主渴加麥冬犀角嗽加瓜蒌有身熱不退嘔吐而煩者宜毒

霜痰加貝母陳皮切忌參朮半夏宜化有大便秘者餘火內結也宜于清

猶未盡留連於肺胃間也宜湯有大便秘者餘火內結也宜于清

少加有泄瀉者積熱移於大腸也宜四苓湯加宜久則必傷脾宜用木

大黃有泄瀉者積熱移於大腸也宜四苓湯加宜久則必傷脾宜用木

香砂仁調有疹退熱除不能食者胃氣弱也宜四物湯加砂仁有

子肉豆蔻有疹退熱除不能食者胃氣弱也宜四物湯加砂仁有

疹後出入動作如常忽然心腹絞痛死者氣虛中惡也蓋因元氣

虛弱或曾受疫癘之氣外雖無病內寔虧損故一發而死存疹沒

後三四日又出至五六次不止者由發熱時風寒侵襲邪鬱肌肉

前雖藉藥發出終屬勉強故留連不散而屢發也。宜照前治法以上七症亦屬餘邪爲患所當急治者然而疹類不一其源流形似處更不可不辨。今人多曰麻痺癰疹大約相似不知麻爲太陽經病其經感受深山遠谷毒風積熱因發爲麻形如心經痘子一般頭不尖銳較疹稍稀疏疎西北人常患之南方不多見斑則有陰陽之別陽斑乃少陽相火與風熱相搏之病如溫毒發斑冬溫夏熱發斑之類皆是其形燠腫如蚊蚤所咬或成片如錦紋雲霞。宜大青丸化斑湯若傷寒發斑全由胃熱當從傷寒門治吐瀉發斑全由胃虛治法可補不可瀉可溫不可涼二者皆不在此例故本論不列力陰斑則如陰症發斑伏寒在下迫其無根失守之火聚於胸中熱上蒸肺所致。宜麻桂芍芷羌芍蒼夏薑桔陳皮枳殼砂仁甘草生薑又如內傷寒物發斑先由傷暑次食生冷冰水並睡臥涼處內外皆寒逼暑火于外故

色微紅。或帶白。與陽斑不同。宜審看多於暑月見之。或嬰兒肌膚

脆薄。亦常有之。若疹則脾家濕火鬱結。復感外邪。互煽烙肺。肺熱

挾痰。遂生是症。其形色已詳前文。或有皮膚盡赤者。為夾斑疹。已方

見有根窩微腫者。為兼癰疹。宜照歲氣時癰者由脾家蓄熱。更兼

風濕。故隱隱然不發。腫無顆粒。似腫非腫。多發痒。或不仁。宜消以

其隱見肌肉。故曰癰。以亦憎寒壯熱。而發與疹相同。故人皆混稱

曰癰疹。其寔是二症也。此外又有風疹。由脾虛血熱。感受風邪而

作。宜調中湯切不其形浮腫。成片成塊。愈搔愈盛。又有癰疹。即夏

月痲子之極盛者。其粒大如粟米。皮膚盡赤。多生項下夾窩內。脰

凡皮肉相貼處。外科書謂之暑毒。宜苦參湯洗若抓破皮。易變成膿。為

宜驚黃又有癰疹。寒冬天地之氣閉塞。交春東風發動。其氣流散。

而東風襲人毛孔。此惡氣即乘以入。遂有形如魚子而色白者。頭

面胸腹手足不拘發見一處。不至遍及一身。極難漸難忍。過時收

沒。即無點痕。

宜消風散。

三者亦疹之流。派也。至如孕婦有出疹者。由

于內虛。故腹中有胎。易為熱毒所傷。治宜安胎清熱。使胎不動。則

疹亦易痊。

宜四物湯多加白朮砂仁黃芩。

如胎氣上衝。則已為毒所傷矣。

宜急用芎根艾

葉濃煎湯磨極濃汁急服之。並多服四物湯為妙。

產婦亦有出疹者。當血液大虧之後。復

得耗血損液之症。又恐熱毒煎熬。惡露乾結不行。惟以敗毒清火

與去瘀生新之劑。相兼用之。庶乎可療。

宜當歸川芎丹參玄參丹皮赤芍荆芥桔梗益母草

嬰兒之疹。有夾痘出者。因毒氣壯盛。擊動臟腑。毒趨百竅。血有餘

而氣不足。不能密護脈絡。血遂夾毒外浮。乘勢而興。痘齊出也。

宜升

麻葛根湯荆芥解毒湯加丹參赤芍當歸牛蒡

使疹散去。痘亦自出。又有結痂後出疹者。

痘之餘毒未盡。又加血熱故也。

宜犀角消毒湯

嗟乎疹之關人。性命若此。

果能醫治無失。又自善保養。自然安穩無事。精神充足。萬一事故。

難離。不免勞頓。氣虛血弱。致多不足之象。急應補救。宜十全大然。則操人生死之柄。可勿兢兢詳愼。以求無悞哉。

脉法 金鏡錄曰。足冷不溫。其脉洪。要知總是斑疹候。醫者曰。疹發之脉。浮大而數。右寸關更甚也。

疹子之原 入門曰。太古無痘。周末秦初乃有之。海藏曰。斑疹之爲病。皆由子在母腹中。浸漬食母血蘊而成毒。皆太陰濕土壅滯。君相二火之所作也。

疹子形症 正傳曰。有色點而無顆粒者曰斑。浮小而有顆粒者曰疹也。又曰。疹如粟米微紅。隱隱皮膚不出。作痒全無腫滿。又曰。麻子最小隱隱如麻子。頂平軟不碍指。卽有清水痘。多挾疹同出。麻亦多挾疹同出。故曰痘疹麻疹。陸南陽曰。痘之發。觸于天行時氣。疹之發。中于時氣風寒。痘當從外解。疹當從內

解。又曰。麻疹多屬于肺。故嗽而始出。起而成粒。勻圓而小。陽氣從上。故頭面愈多者爲佳。金鏡錄曰。心熱盛移于小腸。故小便多黃而赤。然小便之行。由于肺氣之降下而輪化也。若肺受火尅。則失降下之令。故小便短而澀。當痘疹之時。不必利水。治當清金降氣。用涼藥以洩其熱。而小便自利矣。

疹子看法 金鏡錄曰。凡看麻疹之法。多于耳後項上腰眼裏先見也。辨疑賦曰。根窩若腫兮。疹而兼癰。皮膚加赤兮。疹尤夾癰。似錦而明兮。不藥而愈。如煤而黑兮。百無一痊。

疹子治法 入門曰。麻疹雜症與痘瘡畧同。但始終藥宜用清涼。醫鑑曰。麻疹當以葱白湯飲之。葱白連鬚不拘其麻自出多少煎取汁服其麻自出如渴。只用葱白湯以滋其渴。使毛竅中常微汗潤澤可也。過三日不沒。內有寔熱。犀角地黃湯解之。

疹子輕重難治不治症 金鏡錄曰或熱或退五六日而後出者輕淡紅滋潤頭面勻淨而多者輕發透三日而漸沒者輕頭面不出者重紅紫暗燥者重咽喉腫痛不食者重冒風早沒者重移熱大腸而變者重黑暗乾枯一出即沒者不治鼻爛口張目無神者不治鼻清糞黑者不治氣喘心前吸者難治疹後牙疳臭爛者不治入門曰麻疹不出而喘者死變成黑斑者死沒後餘毒內攻循衣摸床譫語神昏者死

治疹子方五十二

蘇葛湯

初起 紫蘇 葛根 甘草 赤芍 陳皮

加味升麻湯

砂仁 升麻 前胡 枳殼 生薑 葱白 赤芍 條

芩 葛根 獨活 元參 柴胡 赤芍 條
者預服一二帖亦可非如上蘇葛湯專為初熱
見點發表之方也
內熟 川芎 當歸 生地 芍藥

四物湯

肺

疹子

卷二

五

羚角散

毒邪內陷 羚羊角 甘草 防風 麥冬 元參 知母 黃芩 牛蒡子

大青湯

又升麻 大青 木通 元參 桔梗 知母 山梔 升麻 石膏 水煎調路東黃末二三錢

元參解毒湯

服之 熱秘也 加酒炒大黃 口乾腹脹身熱煩躁者此 又元參 葛根 山梔 黃芩 桔梗 甘草 草 生地 荊芥 入茅根 京墨汁 犀角 連喬 枯梗 生地 當歸 薄荷 防風 黃芩 甘草 赤芍 牛蒡

犀角解毒湯

薄荷 荊芥 穗 防風 黃芩 甘草 赤芍 牛蒡

六一散

色紫黑 滑石 甘草 冬日溫水下夏日新汲水下

十全大補湯

補氣血 人參 白芍 茯苓 熟地 黃芪 白朮 炙甘草 肉桂 川芎 當歸 糯米

麻黃散

出遲 蜜酒炒麻黃 焙蟬退 酒炒升麻 炒牛蒡子

消毒飲

又防風 荊芥 甘草 炒牛蒡子 姜

茅花湯

止痢 茅花 歸尾 生地 山梔 元參 黃芩 調百草霜服

升麻葛根湯

表散 升麻 葛根 赤芍 甘草 姜

葱白湯

又連鬚葱白

黃連湯

止汗 黃連 黃柏 黃芩 黃芪 生地
歸身 麥冬 浮麥 調蒲扇 灰服 薄荷

防風解毒湯

辛涼 枳殼 防風 甘草 荊芥 連翹 薄荷
牛蒡子 石膏 知母 桔梗 木通 淡竹葉

黃連解毒湯

辛寒 黃連 防風 元參 甘草 桔梗
黃芩 木通 知母 荊芥 石膏 天青

桂枝解毒湯

辛溫 桂枝 甘草 人參 赤芍 防風
荊芥 羌活 桔梗 牛蒡 酒麻黃

升麻解毒湯

辛平 升麻 桔梗 荊芥 連翹 防風
羌活 赤芍 甘草 淡竹葉 牛蒡子

胡荽酒

外治 滾酒入 胡荽 畧煎三四沸 合定 勿洩氣
候溫遠 遠噴之 從項至足 勿噴頭面

人參白虎湯

熱渴 人參 知母 石膏 花粉 葛根
麥冬 竹葉 梗米 石膏

萊菔燈心炒米湯

又 萊菔一酒杯 燈心三十根 炒糯米一
撮

葶藶丸

喘咳 炒葶藶 煨杏仁 酒防已 炒萊菔
子 炒白牽牛 茯苓 食後服

甘桔湯

咽腫痛 甘草 桔梗 若加牛蒡連翹射干

瀉白湯

升麻 山梔 黃連 黃芩 名牛蒡 甘桔湯 瀉肺 蜜桑皮 地骨皮 炒黃芩 酒黃連 馬兜鈴 淡竹葉 桔梗 山梔 燈心 大青 元參 連翹

導赤散

瀉心 生地 木通 甘草 淡竹葉

竹茹石膏湯

吐多 甘草 竹茹 石膏 陳皮 半夏 茯苓

猪苓湯

甘利 猪苓 茯苓 滑石 澤瀉 升麻 甘草 黃連 滯下

黃芩湯

邪遏大腸 蒼朮 厚朴 陳皮 甘草 姜

金花丸

疹癆 黃連 黃柏 黃芩 大黃 水泛丸 去大黃 加山梔 名梔子 金花丸

清火消毒湯

又 雄黃 地骨皮 燈心 山梔 爵金 龍胆草

胃苓湯

胃弱 茯苓 猪苓 白朮 澤瀉 蒼朮 陳皮 甘草 姜厚朴 官桂 少許

當歸養榮湯

疹癆 甘草 當歸 山梔 川芎 生地 麥冬 燈心 便結少加黃

黃連安神丸

又黃連 當歸 龍胆草 全蝎去毒 石菖蒲 茯神 蒸餅和猪心血丸 硃砂為衣 用燈心湯下

清胃湯

疹疳 升麻 生地 黃連 當歸 丹皮

文蛤散

又雄黃 枯礬各五分 文蛤一錢 黍退紙灰三分 米泔洗瘡數日 三四次以平為度

雄黃散

又雄黃一錢 黃柏二錢 麝香五分 艾葉湯洗敷以平為度

三黃湯

疹癩 炒黃連 炒黃芩 蒸大黃 以微利為度

香連丸

又黃連一兩 用吳萸五錢 同炒去萸 木香三錢 忌火 醋糊丸 空心米湯下

麥冬清肺飲

疹嗽 麥冬 人參 甘草 赤芍 枳梗陳皮 枳椇 赤苓

寧肺湯

又黃芩 桑皮 貝母 知母 枇杷葉杏仁 花粉 天冬 沙參 毒留肺胃 人參 甘草 知母 石膏 桔梗 連翹 升麻 竹葉 炒牛蒡 地骨皮

化斑湯

熱移大腸 茯苓 猪苓 澤瀉 炙甘草蒼朮 治新舊熱瀉

四苓散

脾熱風濕 茯苓 蟬退 川芎 姜蚕人參 藿香 防風 荆芥 甘草 茶酒煎

消風散

參子

卷二

行

調中湯

風疹 藿香 枳實 砂仁 甘草 蒼朮 茯苓 陳皮 青皮 半夏 厚朴

苦參湯

沸疹 苦參四兩 苜蓿二兩 水五碗煎數
沸添水二碗蓋片時臨洗入猪胆汁四五個三
五次無不愈

鷓鴣散

又 萊豆粉一兩 滑石五錢 黃柏三錢
輕粉二錢 搽之即愈

荊芥解毒湯

疹夾痘 荊芥 赤芍 牛蒡 連翹 元參
桔梗 防風 前胡 木通 歸尾 甘草
梢 天花粉

養血益榮湯

色白 赤芍 人參 甘草 酒當歸 酒炒
紅花

藿香正氣散

傷寒發斑 藿香 白朮 茯苓 半夏 陳
皮 桔梗 白芷 甘草 姜厚朴 紫蘇
大腹皮

犀角地黃湯

解熱 犀角 生地 黃芩 黃連 大黃

附錄石氏治疹經驗良方十五

透肌散

治疹初出隱隱淹在肌肉內以出即沒者乃癰
疹也

清心湯

炒牛蒡二錢半 葛根二錢 荆芥錢二分
蟬退三十個 酒一小杯水一大杯半煎六分
溫服一次本方加羌活五分 二次本方加
紫蘇枳壳六分 三次本方加牛膝五分
治疹出痕如珠點或赤或紫煩躁不寧者乃斑
疹也

和解散

黃連 連翹 生地 各錢半 山梔 二錢 黃
芩 一錢 歸尾 三錢 黃柏 丹皮 甘草 各
五分 赤芍 八分 溫服 如鯽血即隨血解
川芎 六分 溫服 如蠶種色黑黯皮肉僵硬此
治疹已出遍身形如
十死一生症也急用後二方
麻黃去節取頭末 桑豆取生粉隔紙焙熟各
七分 共為細末又用 新蒲英二兩乾者七
分 條芩 生地 各一錢 煎好調前二末春冬
溫服夏秋涼服 兼用下外治方
仰天皮二斤 卽凹地上捲皮也 嫩柳皮半斤
星草四兩 蟬退二百個 水十杯煎三沸
去渣乘熱氣熏洗遍體黑疹變為鮮色十有九
生之妙

外治方

清肺解毒湯

治疹收之後胸膈喘急咳嗽悶亂狂言詬語手
足動搖此餘毒入肺也

肺疹子方

斂肺湯

小靈丹

天綠散

金黃散

黃芩 陳皮各一錢 麥冬二錢 貝母一錢
 半 赤苓七分 蜜桑皮 甘草各五分 酒
 炒黃連七分 蒲公英三錢 煎好再用大黃
 三錢切片開水泡一時澄汁一小杯沖服
 治疹收之後喘急悶亂頭折眼吊胸堂高陷角
 弓反張目睛直視唇白面黃口鼻歪斜名曰肺
 氣耗散正氣不歸原也急以此方治之緩則無
 救如唇反而黑紫鼻眼俱黑必死
 北五味三錢 黃芩二錢 麥冬三錢 甘草
 節五分
 治疹後餘毒壅遏在咽喉腫痛嚥物不下或結
 一切餘毒牙齒破爛
 白官礪二錢 朴硝三錢 辰砂錢半 乳香
 去油 沒藥去油各三分 吹敷俱可
 治疹後餘毒壅遏在眼痘爛如癰或小兒木耳
 等瘡皆效
 銅綠一兩研極細末黑透熟天荊打汁量末調
 稀糊于黑碗內上用黑碗蓋之鹽泥封固文火
 煨二炷香取出丸葉荳大或用散每五厘入乳
 汁小半酒杯再研如茶湯以雞翎蘸敷二三次
 即愈

治疹後重舌并兩頰骨疔瘡

鐵箍散

礞砂三錢 雄黃錢半 硃砂七分 鮮薄荷
打汁調敷數次愈
治疹後餘毒流注肌肉之間結成癰疽腫痛

清咽湯

白芨 白薇各一兩 黃柏二兩 山豆根
連翹 黃芩 乳香 沒藥各五錢 川烏六
錢 地骨皮七錢 射干三錢 共為末茶酒
調敷
治疹後熱毒在胃攻冲喉啞疼痛日夜飲水不
止

升麻 元參 射干 連翹 山梔 黃芩
石膏 歸尾 麥冬 生地 薄荷 大黃
金銀花 甘草節

一匙金

治疹後風并痘脫疳風一服立效

治水痘方

白花蛇去骨刺三分炒褐色 人指甲一分半
炒黃色共為末再用透骨草麻黃各三錢入水
酒各半杯煎三沸去渣調上二味末服之蓋臥
微汗即愈如兒小分三服
凡水痘初出每痘根周圍紫硬頂陷色黑令兒
啼多煩躁蒸熱名四痘疔
新人尿尖七个瓦上焙如褐色研細可重二三
分酒調通身臭汗即效

又方

治水痘收後餘熱不退咳嗽微喘多睡眼清多
瞽
蒲公英二兩 水煎服一帖即愈

又方

治水痘收後心胸脹滿食即嘔吐久不治結
爲痰痞者
大黃一錢 牙皂 皮硝 火硝各五分 共
爲末水丸黍米大三歲服六十九十歲一百丸
毒自與積俱化而愈如兒小不能服丸蜜調末
服亦可